

DETECTIVE STORIES, NO 158. দারোগার দপ্তর, ১৫৮ সংখ্যা।

নকল রাণী

অর্থাৎ

(শ্বামীহত্যাপুরাদের কলঙ্কবিগ্নেচনে চেষ্টা)

শ্রীপ্রিয়নাথ মুখোপাধ্যায়-প্রণীত।

১০ নং হজুরিমলস লেন, বৈঠকগানা,

“দারোগার দপ্তর” কার্যালয় হইতে

শ্রীউপেন্দ্রভূষণ চৌধুরী কর্তৃক প্রকাশিত।

All Rights Reserved.

চতুর্দশ বর্ষ পু মন ১৩১৩ মাল। [জ্যৈষ্ঠ।

PRINTED BY M. N. DEY, AT THE
Bani Press,

No. 63, *Nimtola Ghat Street, Calcutta.*

1906.

নকল রাণী

প্রথম পরিচ্ছেদ ।

অদ্য আমি যে ঘটনাটোর বিষয় পাঠকগণের সম্মুখে উপস্থিত করিতেছি, তাহা কলিকাতার ঘটনা নহে; উহা বর্জনান জেলার অঙ্গর্গত কোন একটী পল্লীর ঘটনা। এই মুকৰ্দিমার অনুসন্ধানের ওর কেম যে আমার উপর প্রদত্ত হইয়াছিল, তাহা আমি বলিতে পারি না। কিন্তু উপরিতন কর্মচারীর আদেশ আমাকে প্রতিপালন করিতেই হইবে, স্বতরাং ঐ অনুসন্ধানের তার আমাকে গ্রহণ করিতে হইল। অনুসন্ধানের নিমিত্ত আমি যে আদেশ-পত্র প্রাপ্ত হইয়াছি, তাহার সহিত একধানি বেনামা-পত্র ছিল। ঐ পত্র হইতেই ঐ ঘটনার কতক বিষয় অবগত হইতে পারিয়া এই অনুসন্ধানে লিপ্ত হইলাম। ঐ পত্রে যাহা লেখা ছিল, তাহার সারমৰ্শ এই ;—

“কমলার বাড়ী বর্জনান জেলায়। কমলার পিতা একজনে বর্জনান নাই, তিনি ধনী ছিলেন। ষতকিছু পাপ এ জগতে থাকিতে পারে, বৃক্ষ সমুদয়েরই অধিকারী হইয়া। এই অতুল ধনরাশি সঞ্চয় করিয়াছিলেন। বৃক্ষের কেবলমাত্র একটী কষ্টা, সেইটীই সংসারের একমাত্র সম্ভল,—নাম কমলা। কমলার বিবৃত হই-
মাছে, কমলার শিশী খুব বড় মাঝেরে ছেলে, অতুল এইখণ্ডের

অধিকারী। নিজে তিনি শত টাকা মাহিনার চাকুরী করেন, নীলকুঠীর ম্যানেজার, মাসে প্রায় হাজার টাকা রোজগার। তিনি বিহার অঞ্চলে থাকেন; বাটীতে অন্য কোন অভিভাবক না থাকায়, ও কর্মস্থলে স্তুকে রাখিবার তাদৃশ সুবিধা না থাকায় কমলাকে পিত্রাশয়েই রাখেন,—মাঝে মাঝে আসিয়া কমলাকে দেখিয়া যান, আজও সন্তানাদি রয় নাই। কমলার বয়স হইয়াছে, কমলা পূর্ণ যুবতী—কমলা সুন্দরী, হৃদয় দয়াদাঙ্কিণ্যে পূর্ণ—কমলা আদর্শ স্ত্রী। ছয় মাসের পর কমলার স্বামী আজ শশুরালয়ে আসিয়াছেন—বহুকালে পর কমলা আজ স্বামী-সন্দর্শন করিলেন। কমলার স্বামীর নাম সরোজকান্ত। সরোজকান্তের সমস্ত দিন আহার নাই—কমলা স্বামীকে শীঘ্ৰ শীঘ্ৰ থাওয়াইবার জন্য রুক্ষন-কার্যে ব্যাপৃত; সরোজবাবু উপস্থিত কিঞ্চিৎ জলযোগ করিয়া বৈঠকখানায় তাত্ত্বকৃট সেবনে ব্যস্ত। বৃক্ষ শশুর পার্শ্বের ঘরে,—সে ঘরে আরও ছুটী লোক আছে বলিয়া বোধ হইল; কেন না, পুরস্পর তাহারা কি বলাবলি করিতেছে। সরোজবাবুর ঔৎসুক্য জল্মাইল—তিনি কপাটের ছিদ্র দিয়া দেখেন—ভীষণাকৃতি দুইজন লোক বৃক্ষের সহিত পরামর্শ করিতেছে। সরোজবাবু বৃক্ষ শশুরকে খুব ডালৱকম জানিতেন.; গোহত্যা, ব্রহ্মহত্যা, ডাকাতি, এ সব কিছুই বাকী নাই,—এ বৃক্ষ বয়সে এখনও সে পাপপ্রবণতি বৃক্ষের হৃদয় হইতে অস্তর্হিত হয় নাই,—বৃক্ষ আজ ডাকাতের সহিত পরামর্শে ব্যস্ত। সরোজ শুনিলেন,—বৃক্ষ, সাক্ষাৎ যমদূত সদৃশ ঐ দুই জনকে বলিতেছেন,—

“দুকুনকে কুড়ী টাকা দেবো, পারবি ত ?”

“কর্তা ! আমাদের অসাধ্য কিছু আছে কি ?”

“তোরা আছিস্ ব’লে—আমি আজও বেঁচে আছি।”

“তবে কি জানেন,—জামাই বাবু।”

“নে—নে,—অনেক জামাই বাবু দেখেছি,—টাকার কাছে
কেউ নয়।”

“জামাই বাবু” এই কথা শুনিয়া সরোজকাঞ্চ শিহরিয়া
উঠিলেন, মনে মনে তাবিলেন—“জামাই বাবু!” কোন্ জামাই
বাবু? জামাই ত আমি—আমাকে কি এরা হত্যা করিবে—
বিশ্বাস নাই। দেখি, আর কি কথাবার্তা হয়।”

বৃক্ষ বলিলেন, “তবে তোরা যা, ঠিক সময়ে আসিস্।”

“আজ্জে কর্তা তা আর বল্তে হবে না।” এই কথা বলিয়া
সেই ছই ব্যক্তি পার্শ্বের দরজা দিয়া চকিতের ন্যায় চলিয়া গেল;
বৃক্ষ একাকী রহিলেন।

সরোজকুমার চিন্তা-নিমগ্ন, ঘোর সন্দেহ-দোলায় দোহুল্যমান;
এরা আমাকেই খুন করিবে বুঝিলাম, আজ মৃত্য অনিবার্য—
নিয়তির হাত কেহই এড়াইতে পারে না, কপালে যা আছে, তাই
হইবে, ভগবান ভরসা। কিন্তু খণ্ডের মহাশয় আমাকে খুন করি-
বেন কেন? আমার বিষয় আশয়, নগদ টাকাকড়ি হস্তগত হইবে
বলিয়া?—অর্থের জন্য নরহত্যা, বিশেষতঃ পুত্রে ও জামতাম
কোন প্রভেদ নাই, সেই জামতাকে খুন করিয়া তাহার ধনদৌলত
লইবার চেষ্টা! আজ যদি কোনকল্পে বাঁচি, তবে এই পর্যাস—
কমলা যে ভাল, তাহাও নয়—সেও এর ভিতর আছে নিশ্চয়ই।
আর মা—রাক্ষসীর মাঝা, আর না। সরোজ অভিযুক্তে মৃত্য
কল্পনা করিতে লাগিলেন।

কমলার ঝালা হইয়া গিয়াছে—পোগ ভরিয়া আজ স্বামীকে

অনেক দিনের পর থাওয়াইবে। সরোজবাবু অনিষ্টাসত্ত্বে আহার করিলেন। কমলা কারণ জিজ্ঞাসা করিলে কহিলেন,—“সমস্ত দিনের পর আহারে তত ইচ্ছা নাই, তাই থাইতে পারিলাম না।”

আহারাদির পর সরোজকাণ্ঠ কমলার ঘরে শরন করিলেন, কমলা গুড়-গুড়িতে ভাস্তুক সাজিয়া দিয়া দেল। বৃক্ষ পিতার জলযোগের ব্যবস্থা করিয়া দিয়া স্মরণ থাইতে বসিল। সমস্ত দিন না থাওয়া, না দাওয়া—সরোজ ভাবিতে যুমাইয়া পড়িলেন। রঞ্জনী প্রভাত, কমলা উঠিল, উঠিয়া, দেখে, ঘরে সরোজবাবু নাই—দরজা খোলা।

“এই ষটিনার কিছুদিন পরে একজন পুলিস-কর্মচারী আসিয়া সরোজবাবুর খোঁজ করে, তখন বৃক্ষ আর ইহজগতে নাই। কমলা একাকী, পুলিস-কর্মচারীকে দেখিয়া কমলার মনে ভয় হইয়াছিল। কমলা বিবেচনা করিল, এস্থানে একাকী থাকা আর ভাল নয়, পিতাঠাকুর মন্দশোক ছিলেন, ইহারা কোনোক্ষণে তাহার শুলুক-সঙ্কান পাইয়া এবং আমাকে তাহার উত্তরাধিকারিণী জানিয়া, পাছে আমার উপর জুলুম করে, এই ভাবিয়া কমলা পরদিন গ্রাম ত্যাগ করিয়া কাশীতে আসিল। কিন্তু মেই পুলিস-কর্মচারীকে তাহার অসুস্থান করিতে ইহার পর আর কেহ দেখিল না। কমলা এখন কাশীতেই বাস করিতেছে। এখন আমরা শোক পরম্পরায় অবগত হইতে পারিয়াছি বে, কমলা তাহার পিতার সাহায্যে, ধনশোকে পতি-হত্যা করিয়াছে ও মেই ধন লইয়া এখন কাশীতে রাণীনামে পরিচয় গ্রহণ করিয়া আপনার কলঙ্ক বিমোচনের চেষ্টা করিতেছে। তাহার পিতা এখন ইহ-অগত পরিযোগ করিয়া চলিয়া গিয়াছে। কমলকে ধূত করিয়া তাহাকে একটু পীড়াপীড়ি

করিলেই বোধ হয়, সে মকল কথা বলিয়া দিবে। তখন জানিতে
পারিবেন যে, আমাদিগের কথা কতদুর সত্য।

দ্বিতীয় পরিচ্ছেদ।

অমুসঙ্কানে প্রবৃত্ত হইয়া বহু কষ্টের পর কমলার গ্রাম প্রাপ্ত
হইলাম। সেই স্থানে গমন করিয়া জানিতে পারিলাম, বাস্তবিকই
কমলার স্বামী সরোজকান্ত রাজিকালে শঙ্খরবাটী হইতে নির-
দেশ হল, কিন্তু তাহার কর্মস্থানে বা নিজ বাড়ীতে প্রত্যা-
গমন করেন নাই। এই ঘটনার কিছু দিবস পরেই, কমলার
পিতার মৃত্যু হয়, ও কমলা ঐ গ্রাম পরিত্যাগ করিয়া পবিত্র
কাশীধামে গিয়া বাস করিতেছে। গ্রামে এই কথা রাষ্ট যে,
সে তাহার স্বামীকে হত্যা করিয়া পুলিসের ডয়ে কাশীবাসী
হইয়াছে। ঐ স্থান হইতে এই অবস্থা অবগত হইয়া, আমি
কাশীতে গমন করিলাম। রাস্তায় একজন সন্ধ্যাসীর সহিত
আমার হঠাৎ সাক্ষাৎ হইল; তিনি আমার নিকট সমস্ত কথা
গল্পচ্ছলে অবগত হইয়া, আমাকে এই মোকদ্দমার অমুসঙ্কানে
বিশেষরূপ সাহায্য করিতে স্বীকার করিলেন। তিনি সন্ধ্যাসী
হইয়া কেন যে আমাকে এই কার্যে সাহায্য করিতে আপনা
হইতে সম্মত হইলেন, তাহা কোন প্রকারে আমি কিছুমাত্র
বুঝিতে পারিলাম না। কিন্তু পরে জানিতে পারিয়াছিলাম, ও
পাঠকগণও জানিতে পারিবেন। আমরা উভয়ে কাশীতে স্থাপ-

মেধ বাটে উপস্থিত হইয়া দেখিলাম, সেইস্থানে আজি বড় ধূম,
কেবল দীর্ঘতাঃ ভুজ্যতাঃ। দশাখন্মেধ বাটের ত্রিতল বাটী লোকে
লোকারণ্য; যে যাহা থাইতে চাহিতেছে, সে অহা তৎক্ষণাত
পাইতেছে। কাঙাল গরিব হৃষি হাত তুলিয়া “জয় রাণী-মার
জয়!” শব্দে দিক্ষিগন্ত কাপাকাকা সহর্ষমনে চলিয়া যাইতেছে।
বাহির-বাটীতে বড় ভিড়, কাঙ্গা সাধ্য সেই জনশ্রোত ঠেলিয়া
অগ্রসর হয়। কিন্ত এমনি কলোবন্ধের সহিত কার্য সমাধা
হইতেছে যে, কাহাকেও বিশেষ কষ্টভোগ করিতে হইতেছে না।
প্রাতঃকাল হইতে সমস্ত দিন আয়ৈ এইভাবে চলিল। এখন
অপরাহ্ন, বেলা টো বাজে। শীতকাল। একে একে লোকজন
জমিতে আরম্ভ হইল। সক্ষ্যা হয় হয়, এমন সময় আমি সেই
জটাজুটধারী সন্ন্যাসীর সহিত সেই স্থানে উপস্থিত হইলাম।
সন্ন্যাসীকে তাল করিয়া দেখিলে প্রাচীন বলিয়া বোধ হয় না,
জোর ৩৪।৩৫ বৎসর বয়ঃক্রম হইবে। কেন না, সেই অক্ষ-
কারের সমষ্টি শুক্রগুরু ও জটাভার এখনও শেত বর্ণধারণ
করে নাই—যেমন তেমনই রহিয়াছে। সন্ন্যাসী বহির্বাটীর
ঢারবানকে জিজ্ঞাসা করিলেন,—“ওহে বাপু! তোমাদের রাণী-
জীর নাম শুনিয়া, অনেকদূর হইতে আসিয়াছি, একবার তাঁহার
সহিত মেথা করা আবশ্যিক।”

ঢারবান কহিল,—“আজে ইঁ! কেন না মেথা হইবে! অব-
শ্বই হইবে।”

সন্ন্যাসী।—তুমি যে বেশ লোক হ্যা, কৈ, তুমি ত আমাকে
রাজবাটীর দপ্তরানের মত চোক ছটী লাল করিয়া কথা কহিলে
না?”

ହାର । ଆଜେ, ଆପନାଦେର ମତ ଲୋକେର ଉପର—ଆପନାଦେର କେବ, କୋନ ଲୋକେର ଉପରଇ କଡ଼ା ହକୁମ ନାହିଁ ।

ସ । ଏମନ ସମ୍ବାଧମା ରାଣୀ ତ କଥନ ଓ ଦେଖି ନାହିଁ ।

ଦ । ମହାଶୟ ! ଆମି ଆଉ ଆଟ ଦିନ ଏହି ରାଣୀଜୀର କାହେ ଚାକ୍ରି କରିତେଛି, ଆମିଓ—

ସ । ଆଜ୍ଞା ରାଣୀଜୀର ନାମ କି ? ବାଡ଼ୀ କୋଥାର, ଜାନ ?

ଦ । ଶୁଣିଯାଛି, ଶୁଖଗଡ଼େ ବାଡ଼ୀ, ନାମ—କମଳା ।

ସ । ଏଥାନେ କତଦିନ ହଇଲ ଆସିଯାଛେନ ?

ଦ । ପ୍ରାୟ ଦଶଦିନ ।

ସ । ମଜ୍ଜେ କତ ଲୋକ ?

ଦ । ତା ଠିକ ଜ୍ଞାନି ନା, ତବେ ଦେଖିତେଛି, ଚାକର ବାକର ମବ ଏହି ଷ୍ଟାନେଇ ନିଯୁକ୍ତ ହଈଯାଛେ ।

ସ । ତୁ ହାର ମହିତ କଥନ ଦେଖା ହାବେ ?

ଦ । ଆହାରେର ମମୟ ।

ସ । ସମ୍ବାଦୀ ବ୍ରଙ୍ଗଚାରୀକେ ତିନି ନିଜେ ଥାକିଯା ଥାଓଯାନ ?

ଦ । ହଁ ।

ସ । ଦେଖା କୋଥାର ହାବେ ?

ଦ । କେବ, ଉପରେର ବୈଠକଥାନାୟ !

ଏମନ ମମରେ ଉପର ହାତେ କେ ଡାକିଲ,—“ସମ୍ବାଦୀ, ବ୍ରଙ୍ଗଚାରୀ, ଯାହାରା ଆଛେନ, ରାଣୀଜୀର ଆଦେଶ—ତାହାରା ଉପରେ ଆଶ୍ଵନ ।”

ସ । ତବେ ବାପୁ ଉପରେ ଯାଇବାର ପଥଟା ଦେଖାଇଯା ଦାଓ ।

ହାରବାନେର ହାରା ପଥ ପ୍ରସିଦ୍ଧ ହିଲେ ସମ୍ବାଦୀ ଠାକୁର ଉପରେର ବୈଠକଥାନାୟ ଉଠିଲେନ, ଆମିଓ ତାହାର ମଜ୍ଜ ପରିତ୍ୟାଗ କରିଲାମ ନା । ଉଠିଲାଇ ଅବାକ !—ଦେଖିଲାମ, ଇତିମଧ୍ୟେଇ ଟିକିଧାରୀ ବ୍ରଙ୍ଗଣ-

পঙ্গিতগণ ও দণ্ডী-সন্ন্যাসী প্রভৃতি আপন আপন স্থান অধিকার করিয়া বসিয়া আছেন। সুতরাং আমরা কোনক্ষণ বাঞ্ছনিক্ষণ না করিয়া সত্ত্বার একপার্শ্বে উপবেশন করিলাম। দেখিতে দেখিতে ৮টা বাজিয়া গেল। সকলে বলাবলি করিতে লাগিল, এইবার রাণী আসিবেন। বাস্তবিক কিছুক্ষণ পরে এক অপরূপ ক্রপলাবণ্যবতী যুবতী সধিদ্বয় সমভিব্যাহারে সত্ত্বাস্থলে আসিয়া গললগ্নীকৃতবাসে সত্ত্বাস্থ দণ্ডী, সন্ন্যাসী এবং ভ্রান্ত পঙ্গিতগণকে প্রণাম করিলেন। যুবতীকে দেখিলেই রাণী বলিয়াই বোধ হয়। বস্তু আনন্দজ ২৪১২৫, অতিক্রমধূরস্থরে বিনয়াবন্ত হইয়া সকলের সহিত আলাপ করিতে লাগিলেন। আমার সঙ্গী সন্ন্যাসী একবার রাণীজীর মুখের দিকে তাকাইয়া মুখ হেঁট করিলেন।

রাণী কমলাও সন্ন্যাসীকে দেখিয়া যেন ভীতচকিত হইলেন, মুখ-জ্যোতি যেন তিরোহিত হইল। মুখে হাসি আছে, অথচ যেন নাই। যেশী কোন কথা আর না কহিয়া ভৃত্যকে ডাকিয়া বলিলেন, “ইহাদের স্বাবস্থা করিয়া দাও, আমি কিছু পরে আবার আসিব।” এই বলিয়া তিনি সধিদ্বয়কে সঙ্গে করিয়া অন্তঃপুরে প্রবেশ করিলেন। এদিকে অলয়োগের ব্যাপার উপস্থিতি। একটা সোঁরগোল পড়িয়া গেল। যে ঘাঁর পাতা লইয়া বসিল। কিন্তু আমাদের সন্ন্যাসী ঠাকুরের বরাত বড়ই মন্দ এই ভিড়ের ভিত্তি তিনি যে কোথাও চলিয়া গেলেন, তাহা কেহই জানিতে পারিল না, কিন্তু আমি জানিতাম, আমারই উপদেশমত তিনি কোন কার্য্যাঙ্কার মানসে কোন স্থানে গমন করিলেন। তাহার অনুষ্ঠে রাজভোগ জুটিল না।

ତୃତୀୟ ପରିଚେଦ ।

ଶ୍ରୀମତୀ ଶୁଣ୍ଡିଲେନ

ଆମି ବ୍ରାହ୍ମଗନ୍ଧାଲୀର ମଧ୍ୟ ଉପବେଶନ କରିଯା ଉତ୍ସମନ୍ତରପେ ଆହା-
ରାଦି ସମାପନାଷ୍ଟର ଆପନାର ବାସାର ଆସିଯା ଉପଶିତ ହଇଲାମ ।
ସମ୍ବ୍ୟାସୀ ଠାକୁର ଆର ମେହି ରାତ୍ରିତେ ପ୍ରତ୍ୟାଗମନ କରିଲେନ ନା ; ପର
ଦିବସ ଅତି ପ୍ରତ୍ୟାଷେ ତିନି ବାସାର ଆସିଯା ଉପଶିତ ହଇଲେନ, ଓ
ଆମାକେ କହିଲେନ, “ଆମାକେ ଯେନ୍କପ ଉପଦେଶ ପ୍ରେଦାନ କରିଯା-
ଛିଲେନ, ଆମି ଠିକ ତାହାଇ ସମ୍ପଦ କରିଯାଇଛି । ସକଳେ ସଥିନ ଆହାର
କରିତେ ବସିଲ, ମେହି ସମୟ ଆମି ଏକଟି ସରେର ଭିତର ଅଙ୍କ-
କାର ମଧ୍ୟ ଲୁକାଇଯା ରହିଲାମ । ଆମି ସେ ସରେ ଲୁକାଇଯା ଛିଲାମ,
ଠିକ ତାହାର ପୌର୍ବେର ସରେଇ କମଳା ଧାକିଲେନ । ଦେଖିଲାମ, ଏକେ
ଏକେ ବାଟୀର ସବ ଗୋଲମାଳ ମିଟିଯା ଗେଲ । ରାତ୍ରି ହଇତେ ଚଲିଲ ।
ରଜନୀ ଦ୍ଵିତୀୟ ଅତିକ୍ରମ କରେନ । ରାଜଭବନ ନିଷ୍ଠକ, ବୈଠକଥାନା-
ଘରେର ଆଲୋକ ନିର୍କାଣୋ ଶୁଦ୍ଧ, ଅନପ୍ରାଣୀର ସାଡା ଶକ୍ତ ନାହିଁ । ଧରିତ୍ରୀ
ବିଦ୍ଵାରବେ ପରିପୂର୍ଣ୍ଣ, ଏମନ ସମୟ ରାଜଭବନେର ପ୍ରକୋଷ୍ଠେ ଦୁଇଟି
ମହୁୟମୂର୍ତ୍ତି କି ବଳାବଳି କରିତେଛେ । ପ୍ରଥମଟି ଆମାଦେର କମଳା-
ଦେବୀ ଆର ଦ୍ଵିତୀୟ ବ୍ୟକ୍ତିର ନାମ ଶକ୍ତରଦାସ । ଶକ୍ତରଦାସକେ ଦେଖିତେ
ଥୁବ୍-ବଲିଷ୍ଠ, ବସ୍ତୁ ୨୯୩୦, ଯୁବକ, ଏକବ୍ରକମ ଦେଖିତେ ମନ୍ଦ ନହେ ।
ଏହି ଶକ୍ତରଦାସ ରାଣୀର ନିକଟ ଅନେକ ଦିନ ଆଛେ, ଜାତିତେ
ଉତ୍ତରାଞ୍ଚଳୀ, ନିବାସ ଠିକ କୋଧାର, ତାହା ଜାନି ନା, ବଡ଼ଇ
ବିଦ୍ଵାସୀ କର୍ମଚାରୀ । ରାଣୀ କିଛୁକଣ ପରେ ଶକ୍ତରେର ଦିକେ ଯାଇଯା
‘ବଲିଲେନ,—

“ଦେଖ ଶକ୍ରଦାସ ! ସବୁ ତୁ ଆମାର ପଥ ନିଷ୍ଠଟକ କରିତେ
ପାର, ତବେ ତୁ ଯା ବଳ, ସବ ଶୁଣିତେ ପ୍ରସ୍ତୁତ ଆଛି ।”

ଶକ୍ର କହିଲ,—“କେନ ନା ପାରିବ !”

ଶକ୍ରଦାସ ରାଣୀର ଅଣୟ-ଲାଭାର୍ଥ ଗୋଡ଼ାଗୁଡ଼ି ମନେ ମନେ ଏକ
ବୁକମ ଉନ୍ନତ—ମାଝେ ମାଝେ ହୁଏକଟା ରମିକତାର କଥାଗୁଡ଼ି ଯେ ନା
ବଲିତ, ଏମନ ନହେ, ରାଣୀ ତାହାର ଅସଞ୍ଜୋଯ ବା ବିରକ୍ତିଭାବ
ବାହିରେ କିଛମାତ୍ର ପ୍ରକାଶ କରିବିଲନ ନା । ଆଜ ରାଣୀର ଆଶା-
ବ୍ୟଞ୍ଜକ କଥା ଶୁଣିଯା କହିଲ,—

“ଯାହା ବଲିବେନ, ଏଥିନି କରିବେ ପ୍ରସ୍ତୁତ ଆଛି ।

ରାଣୀ । ଐ ସନ୍ଧ୍ୟାସୀକେ ଥୁନ ।

ଶକ୍ର । କୋନ୍ ସନ୍ଧ୍ୟାସୀ ?

ରା । ଯାହାର ସହିତ ବୈଠକଧାନାର କଥା କହିଯା ତେବେଳା ତେବେଳା
ଚଲିଯା ଆସିଲାମ, ଦେଖ ନାହିଁ ?

ଶ । ଦେଖିଯାଛି, ମେ କେ ?

ରା । କେନ, ତୁ ତୁ ଐ ତପସ୍ତୀକେ କି ଚିନିତେ ପାର ନାହିଁ ?
ଆମି ଓ ଭୟେ କାଶୀ ଏଲୁମ, ତବୁ ଓ ଆମାର ସଙ୍ଗେ ସଙ୍ଗେ ଫିରିଛେ,
ଓର ନାମ ଅମରଟାନ୍, ବଡ଼ ବଦମାରେସ ।

ଅମରଟାନ୍ଦେର ନାମ ଶୁଣିଯା ଶକ୍ରଦାସ ଶୁଣିତ ହେଲ, ଜିଜ୍ଞାସିଲ,—

“ଅମରଟାନ୍ଦକେ ଚେନେ ?”

ରା । ହୀ, ଚିନି ।

ଶ । ଅମରଟାନ୍ କି ଆପନାର ଶକ୍ର ?

ରା । ସବି ଏହି ପୃଥିବୀରେ ଆମାର କେହ ଶକ୍ର ଥାକେ, ତବେ ମେ
ଅମରଟାନ୍ ।

ଶ । କେନ—କାରଣ କି, ଶୁଣିତେ ପାଇ ନା ?

ରା । ଏଥନ ଶୁଣିବାର ସମୟ ନାହିଁ ।

ଶ । ତାହାକେ କି ଆଜିଇ ନିକେଖ କରିବେ ହିଁବେ ?

ରା । ହଁ, ପାରିଲେ ତାଙ୍କ ହସ୍ତ ।

ଶ । ସମ୍ମିଳିତ କରିବେ କି ହିଁବେ ?

ରା । ତୋମାର ସଙ୍ଗେ— ।

ଶକ୍ରଦାସ ଜାଣେ ପଡ଼ିଲ ।

କମଳା ପୁନରାୟ କହିଲେନ, “ଆର ଆମାର ଏହି ଅସୀମ ଧନେର ଅର୍ଦ୍ଧକ ତୋମାକେ ତେଣୁକଣ୍ଠ ଦିବ । ସମ୍ମିଳିତ କରିବେ କି ତାଙ୍କ ଓ ଆମାର ଏହି ଅତୁଳ ପ୍ରିସ୍ତର୍ଯ୍ୟର ଅଧିକାରୀ ହିଁତେ ଚାଓ, ତବେ ଯାହା ବଲିଲାମ, ତାହା ଅବଲମ୍ବନ କର ।”

ଶକ୍ରଦାସ । ଭୟ କି—ଶକ୍ରଦାସ ଥାକିବେ ଅମରଟାଦିକେ ଭୟ ? ନିଶ୍ଚଯ ବଲିଲେଛି, ମେ ଆର ଏ ପୃଥିବୀତେ ନାହିଁ, ତାହାର ପ୍ରାଣବାୟୁ ବାୟୁତେ ମିଶାଇଯାଇଛେ, କଲ୍ୟ ସ୍ଵର୍ଯ୍ୟାଦୟେର ସଙ୍ଗେ ତାହାର ନାମ-ଗନ୍ଧ ପର୍ଯ୍ୟନ୍ତ ଏହି ପୃଥିବୀ ହିଁତେ ଲୁଷ୍ଟ ହିଁବେ ।

କମଳା ଏକଟୁ ମଧୁର ହାସି ହାସିଯା ବଲିଲେନ,—

“ତୋମାର ସହିତ ଅମରଟାଦେର ତୁଳମାହି ହୟ ନା ।”

ଶ । ଆଜ୍ଞା, ଆମି ଆର ଏକଟା କଥା ଜିଜ୍ଞାସା କରିବ । ..

ରା । ଶୀଘ୍ର ବଲ, ବିଲମ୍ବ କାର୍ଯ୍ୟହାନି ।

ଶ । ଅମରଟାଦେର ଦ୍ୱାରା ଆପନି କି କୋନ ପ୍ରକାର ଅଭ୍ୟାସିତ ହିଁଯାଇଲେନ ?

କମଳା ଦେବୀର ଚକ୍ରହର୍ମ ହିଁତେ ଯେନ ଅଗ୍ରିକଣ୍ଠ ବର୍ଷଣ ହଇଲ । ବଲିଲେନ, “ଓ ଆମାର ସମ ! ଆମାକେ ଥେତେ ଏମେହେ, ଯେଥାନେ ଯାଇ, ମଙ୍ଗେ ମଙ୍ଗେ । କାଶୀତେଉ ଏମେହେ ଆମାକେ ଥେବେ ଫେଲୁବାର ଜଣେ ।”

শ। সে আপনার জীবননাশ কেন করিবে ?

“বুঝিতে পার নাই ?” একটু হাসিয়া কমলা একটী অতি প্রকাণ্ড কটাক্ষ শঙ্কর দামের উপর নিক্ষেপ করিলেন, শঙ্কর সে তেজ সহ করিতে পারিল না। তেজে খোদ শঙ্করকে থাই থাই ডাক ছাড়িতে হইয়াছিল, সে তেজ আজ শঙ্কর দাম সহিবে ? পারিল না, গলিয়া গেল। ভ্যাবা শঙ্করামের মত হইয়া জিজ্ঞাসা করিল,—

“ও ব্যক্তির নাম যথার্থই কি অমরঠাদ, না আর কোন নাম আছে ?”

রা। হঁ—উহার নাম অমরঠাদ। আমার ভয়ানক শঙ্ক, নাম করিলে শরীর কাপিয়া উঠে, উহার ভৱে আমার আহার নিজে নাই, উহার মরণ হইলে আমি নিরাপদ।

শ। ইহার ভিতর যে কি বিশেষ কারণ আছে, তাহা ত সম্যকরূপে বুঝিতে পারিলাম না।

রা। যখন আমি দেশ থেকে আসি, তখন হইতেই ও আমার পেছু পেছু। ও লোকটা মলেই বাঁচি, যখনই তোমার সহিত দেখা হইয়াছে, তোমাকে চিনিয়াছি—মনে মনে ভাবি, কত সুখ, কত সুখ জীবন ধাকিলে—এক একবার ভাবি, এ প্রাণ আর জ্ঞানিব না, কিন্তু আমার সুখ মনে হইলেই সে চিন্তা দীর্ঘ কোথায় চলিয়া যায়।

শ। এ কি যথার্থ সত্য যে, তুমি আমার।

রা। এখন বুঝলে, কেন আমি সব কথা প্রকাশ করিয়া বলি না ? ও লোকটা কখন কোন বেশে যে উপস্থিত হয়, নির্ণয় করা কঠিন।

শ। ভয়ের কোন কারণ নাই, ও লোক কোথায় থাকে,
বা যাই—সেদিকে আমার দৃষ্টি রহিল।

শঙ্করের কথাগুলি শুনিয়া কমলা একটু অন্তর্মনক্ষত্রাবে থাকিলেন ও দরজার পরদা ঢানিয়া অন্য একটি প্রকোষ্ঠে চলিয়া গেলেন। কিছুক্ষণ পরে নিভাজ রৌপ্য বিনিষ্ঠিত হটী হাতবাল্ক
লইয়া উপস্থিত ! আসিয়া কহিলেন, “শঙ্কর ! আমাকে কি কেউ
কোন বিষয়ে সন্দেহ করে ?”

শ। কই, আমি ত কোথাও কিছু শুনি নাই।

রা। তুমি কি মনে কর ?

শ। আমি—আমি !

রা। যাহাই হউক, আমি শুনিয়াছি, তুমি ঝগঝালে বড়ই
জড়ীভূত, উত্তর্মৰ্গণ তোমাকে আলাতন করে, এমন কি, পথে
বাটে দেখা পেলে অপমান করিতেও ক্রটী করে না।

শ। সে কথা বলে কি আর জানাব।

রা। এই লও—তোমাকে ৫০০ শত মুদ্রা দিলাম,—কেমন,
ইহাতেই হইবে বোধ হয় ?

শ। যথেষ্ট হইবে।

কমলা পুনর্পি কহিলেন,—“আমি যদি এই প্রকার শত
সহস্র মুদ্রা প্রত্যহ বায় করি, তথাপি আমার ধনের কিছুমাত্র ক্ষয়
হইবে না। এই যে অতুল ঐশ্বর্য দেখিতে পাইতেছ, এ সমস্তই
আমার মৃত স্বামীর—বলিতে বলিতে কমলার কঠখাস ঘেন কুকু
হইয়া আসিল ; সুনীল বিশাল নেতৃত্ব হইতে ফোটা ফোটা
অঙ্গ পড়িল। যুবতী আর শ্বির ধাকিতে পারিলেন না, কাঁদিয়া
ফেলিলেন। তখন তাহাকে দেখিলে বোধ হইবে, কত যে অন্ত-

স'হনে কমলার হস্ত বাধিত—অতীত শুভি আসিয়া হস্তয়ের গৃহতম প্রদেশে প্রবেশ করিল, জালা বাড়িল। শান্তি—শান্তি ত নাই, তবে কি না সর্বশক্তিমান ভগবান ভিন্ন কেউ বলিতে পারে না।

বাপ্পগদগদস্বরে কমলা আরার বলিতে লাগিলেন,—“মেথ শঙ্কর ! আমার পিতার আমিছি একমাত্র সন্তান, তিনিও অতুল গ্রিখর্যের অধিকারী ছিলেন, তারার সমস্ত ধন আমি প্রাপ্ত হই-
য়াছি। আমার ধনের ইয়ত্তা নাই, লোকে যে আমাকে রাণী বলে,
তা অনেক রাজা অপেক্ষা আমার গ্রিখর্য বেশী, এমন কি—” আর
বলিতে পারিলেন না।

শঙ্করদাস একঙ্গ পর্যন্ত নির্বাতনিকল্প ঔদীপের শাম
দাঢ়াইয়া কমলার কথাগুলি শুনিতেছিল, হঠাৎ চট্টকা ভাঙা মত
হইয়া বলিল, “গত বিষয়ের উল্লেখ করিয়া আর দুঃখ প্রকাশ করিবার প্রয়োজন নাই। তবে বলিবার এইটুকু আছে যে, এত সঙ্গতির
অধিকারিণী হইয়া একটা হাঘুরে সন্ধ্যাসীকে ভয় ?”

কমলা বলিলেন, “ও কথা ত তোমাকে পূর্বেই বলিয়াছি যে,
এখনকার সে সময় নয়, আমাকে নিরাপদ কর, তখন—।”

শ। নিরাপদ—নিরাপদ ! তাহাকে অঙ্গই জন্মের মত পৃথিবী
হইতে বিভাড়িত করিব।

র। তাই হ'লেই হ'ল—যে দিন তুমি তার মৃতদেহ দেখা-
ইতে পারিবে,—সেই দিন তৎক্ষণাত তোমার সহিত—

আর ভাল কথা, তুমি তাহাকে চিনিতে পারিবে ? আজ
সে ছন্দবশে সন্ধ্যাসীর রূপ ধারণ করিয়া আমাদের এখানে
আসিয়াছিল, তোমার পক্ষে তাহাকে চেমা বড়ই কঠিন হইবে।

আমি বলি শুন, অমরঠান ঐরূপ ছদ্মবেশে প্রায়ই এখানে সেখানে
বেড়ায়, দেখো, খুব সাবধানে উহার সঙ্গ লইও, যেন হিতে
বিপরীত না হয়।

শ। সে বিষয়ে কোন চিন্তা নাই, যাহাকে একবার দেখিব,
তাহাকে কি আর এ জন্মে ভুলিব!

“তবে শঙ্কর, তুমি যাও, শয়ন কর গে, রাত্রি টের হইয়াছে,
আমিও থাই। দেখো, যত শীত্র পার, এই কার্য্য সম্পন্ন করো”
এই বলিয়া কমলা শয়নপ্রকোষ্ঠে চলিয়া গেলেন। শঙ্করও
নিজ কক্ষে শয়ন করিতে চলিয়া গেল। আমিও সুযোগমতে ঐ
বাড়ী হিতে বহিগত হইয়া আসিলাম।

চতুর্থ পরিচ্ছেদ।

পাঞ্জাবী লিঙ্গান্তর

চৈত্রমাস—রৌদ্রের দিকে চায় কার সাধ্য, তায় পশ্চিমাঞ্চল
পাথুরে গৱ্নমি, বেলা দ্বিপ্রহর। মাঝে মাঝে লু বহিতেছে। পথে
লোকের চলাচল প্রায় বক্ষ, তবে যাদের না গেলে নয়, তারাই
প্রচণ্ড মার্ত্তগুদেবকে উপেক্ষা করিয়া চলিয়া যাইতেছে। আমি ও
মেই সন্ধ্যাসী আমাদের কার্য্যাপলক্ষে বাহির হইয়াছি। এখন
সন্ধ্যাসী তাহার সন্ধ্যাস-বেশ পরিত্যাগ করিয়াছেন। মেই
দিবসই আমি জানিতে পারিলাম, সন্ধ্যাসী প্রকৃত সন্ধ্যাসী
নহেন, সময় সময় সন্ধ্যাসীর বেশ ধারণ করেন, কখন কখন

অপর বেশও ধারণ করিয়া থাকেন। ডিটেক্টিভ কর্মচারীর ন্যায় ইনিও বেশ-পরিবর্তনে একজন সিঙ্কহস্ত। এমন সময় একটী লোক কাশীর শিকরোগের দিক হইতে দর্শান্ত-কলে-বরে পৃতমগিলা জাহবীর তীর দিয়া কি যেন প্রণষ্ঠ বন্ধ খুঁজিতে খুঁজিতে এদিক-ওদিক ঢারিদিক চাহিতে চাহিতে ক্রমশঃ মণিকর্ণিকার ঘাট সমীপে উপস্থিত হইল। পথিকবর, যেখানে পরমহংস বাবাজী থাকে, আহার অন্তিমূরে একটী ঘরের বারাণ্ডায় উপবেশন করিয়া আপনা আপনি বলিতে লাগিল, “ভোর থেকে দুপুর পর্যন্ত কাশীর সর্বস্থান অংবেষণ করিলাম, বেটাকে কোথায় দেখলাম না ; কিন্তু আর ত পারিনা, রোক্তুরে রোক্তুরে ঘুরে ঘুরে মাথার ঘাম পায়ে পড়ছে। চলা ভার, কাল আবার তন্ম তন্ম করে খুঁজে দেখবো, দেখি, দেখতে পাই কি না ?” পথিক দেবমন্দিরের সুশীতল ছায়ায় বিশ্রাম করিতে লাগিল। পাঠিককে পথিকের বিষয় বোধ হয় বিশেষ পরিচয় দিতে হইবে না, ইনিই আমাদের শক্রদাস, অমরচান্দকে খুঁজিয়া বেড়াইতেছে।

পথিক অনামনস্কভাবে বসিয়া আছে, আমরাও সুরিতে ঘূরিতে সেইস্থানে গিয়া উপস্থিত হইলাম। আমার সঙ্গী তাহার পশ্চা-স্তাগ হইতে কহিলেন,—“কেও ! শক্রদাস নাকি ? এত রোক্তুরে কোথায় ?”

শক্র চমকিয়া উঠিয়া পশ্চাত্তাগে চাহিয়া দেখে, একটি জ্বলন ঘূর্ণপুরুষ তাহার দিকে অগ্রসর হইতেছে। যুবককে দেখিলে বিশেষ তত্ত্বাত্মক বলিয়া প্রতীতি হয়। বয়স শক্র অনেক। এক অধিক বৎসরের কমই হউক, আর সামান্য বেশীই

ইউক, যুবককে দেখিতে অতি সুন্দর, বলিষ্ঠ ও দৃঢ়কায় । অপরিচিত যুবক শঙ্করের নিকট আসিয়া বলিলেন, “শঙ্কর দাস, মেঝে-মাহুষের কথার রোদুরে ঘুরে ঘুরে যাব কেন ? বাহার জন্য না থেরে দেবে, মকাল হতে বেলা দ্বিপ্রভুর পর্যন্ত এই প্রচণ্ড রৌজে শুরিয়া বেড়াইতেছ, তাহার সকান আমি বলিয়া দিতে পারি ।”

শঙ্করের এত বেলা পর্যন্ত থাওয়া হয় নাই, তার উপর পথশ্রম, পথশ্রম ব'লে পথশ্রম ! বারাণসীর এমন গলি ঘুঁজি নাই—গুপ্ত-স্থান নাই বা প্রকাঞ্চ রাজপথ নাই, যেখানে তার তাঙ্গ না করিয়া শঙ্করদাস অমরচান্দের জন্য খুঁজিয়াছে । সুতরাং এ সময় ভাল কথাটা ও মন্দ লাগে, তার এই অপরিচিতের মেঝেমাহুষ-সংযুক্ত ঠাট্টা বিজ্ঞপের কথা শুনিয়া শঙ্করের মাকাত্তার অমিলের পিতৃ পর্যন্ত চটিয়া উঠিল । শঙ্কর রোধভরে বলিয়া উঠিল,—“বেটা কি নিরেট, কেমন ক'রে ভদ্রলোকের সহিত কথা কহিতে হয়, জানে না । বিশেখের এই সব বেওমারিস মালভদ্রলোকে যদি হই এক ঘা আকেল সেলামি দেওয়া যায়, তবে বেটারা ভদ্রলোকের সঙ্গে কেমন করিয়া কথা কহিতে হয়, শিখিতে পারে ।”

আমার সঙ্গী কহিলেন,—“আমি অভদ্র—না তুমি অভদ্র । তুমি টাকা খেয়ে একটি লোকের বহুমূল্য জীবন নাশ করিতে উচ্ছত হইয়েছ । ইহাতে মূর্খ তুমি হইলে, না—হইলাম আমি । বাহাদুরি আছে তোমার বুকির ! তোমার কাছ থেকে এ রুকম বুদ্ধির দৌড় একটু ধার করে নিলে হয় ?”

বীরবর শঙ্করের এ ব্যঙ্গোক্তি সহ হইল না । সে উঠিয়া “পাজি ! বা যুধে আসে তাই বলিস, জানিসনে আমি কে ?” এই বলিয়া যুবকের মাথার সঙ্গীরে এক চপেটাঘাত করিল ।

যুবক কিছুমাত্র অসন্তোষ বা বিপ্লবির ভাব প্রকাশ করিলেন না, কিছুমাত্র জ্ঞানিত বা উত্তেজিত না হইয়া বরং হাস্ত সহকারে কহিলেন,—“বেশ ! বেশ ! এইবার সন্তুষ্ট হইয়াছ আমি—কাহাকে মারিয়াছ এখন বুঝিতে পারিবে ?” ধার মন্তকের অন্য ৫০০ টাকা থেঁয়েছ, আমি সেই বদমাত্তেস অমরচান্দ !”

“তুমি—তু—মি—আ—পনি অমরচান্দ—কাহাকে ডিটেকটিভ পুলিসের কর্ম্মচারী বলিয়া সকলে সন্দেহ করে—আপনি সেই অমর চান্দ !!” অমরচান্দকে দেখিয়া শক্তের তেজ লোপ পাইল, শরীরের উষ্ণ শোণিত শীতল হইয়া গেল ;—শক্ত স্থানুবৎ।

যুবক কহিলেন, “কি হে বীরবর ! চুপ করুলে যে, মুখে কথা নাই কেন ? অমরচান্দের মাথা কাটিতে বেরিয়েছ—এস, আর দেরী কেন, টপ করে কেটে ফেল ? তোমার ফাঁছে মারধোর ত খেলুম, অপমানটাও খুব কল্পে, জীবনে আমার আর সাধ নাই, তোমার হাতে মরণই মন্দল !!”

অমরচান্দের কথা শুনিয়া শক্ত অতিশয় লজ্জিত হইল। তখন অমরচান্দ কহিলেন, “তোমার সহিত আমার অনেক কথা আছে, কোন নির্জন স্থানে তোমার সহিত সাঙ্গাং হইলে সকল কথা হইবে, সেই সময় ইচ্ছা করিলে আমাকে হত্যা করিয়া তোমার মনিবের মনস্কামনাও পূর্ণ করিতে পারিবে।”

শক্ত এই প্রস্তাবে সম্মত হইল। পরদিবস রাত্রি ১১ টার সময় বক্রগার ধারে—একটী ডগ অটালিকার উভয়ের নির্জন সাঙ্গাতের স্থান নির্দিষ্ট হইল।

ପଞ୍ଚମ ପରିଚେଦ ।

ଆଜି କୃଷ୍ଣପଙ୍କୀର ଚତୁର୍ଦ୍ଦଶୀ—ଟିପ୍ ଟିପ୍ କରିଯା ବୁଝି ପଡ଼ିତେଛେ, ଗ୍ରାହି ଏକ ପ୍ରହର ପ୍ରାୟ ଅତୀତ—ଘୋର ଅନ୍ଧକାର, କୋଲେର ମାନୁଷ ଦେଖା ସାଥୀ ନା । ସୌଦାମିନୀ ମେଘେର କୋଲେ ବାସନ୍ତୀ ହିଲୋଲେ କ୍ଷମେ କଣେ ହାସିତେଛେନ, ମୁଚକି ହାସିଯା ବ୍ରୀଡ଼ାବନ୍ତ ଆନନ୍ଦ ଆବାର ଏକବାର ମୁଖ ଲୁକାଇତେଛେନ, ସେନ ଆର ଓ ମୁଖ ଏ ଅନ୍ଧକାରେ ବଳିହାକେଓ ଦେଖାଇବେନ ନା । ଅତିଜ୍ଞା ରହିଲ ନା, ମୁଖ ଦେଖାଇତେ ହଇଲ । ଆବାର ହାସିଲେନ—ଆବାର ମୁଖ ଲୁକାଇଲେନ; ନୀରନ୍ଦବରେର ଏ ଆବଦାର, ଏତ ବେଯାଦବି ସହ ହଇଲ ନା, ତିନି ହଦୟେର ଜାଳୀ ହଦୟେ ମିଟାଇଯା ଫେଲିଲେନ, କେନ ନା, ଶ୍ରୀ ସୌଦାମିନୀ ବଡ଼ ଚପଳା, କ୍ରୋଧଭରେ ନିଜେର ମନେ ଘୋରତର ଚୀକାର କରିଯା ଉଠିଲେନ, ଚୀକାରେ ସମଗ୍ର ଜଗନ୍ନ ନିଷ୍ଠକ—ସ୍ପନ୍ଦହିନୀ—ଶୁଣି । ଧନ୍ୟ ସୌଦା-ମିନି ! ତୁମିଓ ସେ ଶ୍ଵାମୀର ସହିତ ଘୋଗ ଦିଲ୍ଲାଛ । ବୁଝେଛି, ଶକ୍ତି ଡିଲ୍ଲ ଶକ୍ତି ହସନ ନା, କିନ୍ତୁ ଜଗନ୍ନ ସେ ଆର ଓ ଜକୁଟି ସହ କରିତେ ପାରେ ନା—ଓ ହାସିତେ ଜଗନ୍ନ ମୁଢ଼ ହଇଲ । କି ଅନ୍ଧକାର ! ଏମନ ଅନ୍ଧକାର ତ କଥନ ଦେଖି ନାହିଁ, ଭୟାନକ ହର୍ଯ୍ୟାଗ—ରାନ୍ତାୟ ଜନ-ଆଣୀର ମାଡ଼ାଶଙ୍କ ନାହିଁ—ସେ ସାର ଆଜା ନିଯେଛେ—କାରାଇ ନା ଏତ ଦରକାର ଯେ, ଏ ହର୍ଯ୍ୟାଗେ ବାଟୀର ବାହିର ହଇବେ, ତବେ ଯେ ସେମନ ଲୋକ, ମେ ମେହି କାର୍ଯ୍ୟ ପ୍ରବୃତ୍ତ ।

ଏମନ ସମୟ ଆମାଦେର ଶକରନ୍ଦାମ ନିଜେର ଶଯନ-ପ୍ରକୋଷ୍ଠେ ବମ୍ବିଯା ଡାବିତେଛିଲ—“ସମୟ ହ’ଲ, ଯାଇ, ହର୍ଯ୍ୟାଗ ବଲିଯା ଅତିଜ୍ଞା ଲଜ୍ଜନ କରିତେ ପାରିନା, ହିଥାନି ଛୁରିକା ଲଈଯାଇ ସାଇ—ବାଚି ତ ଫିରେ

আমবো, না হয় এই পর্যন্ত।” এই বলিয়া শঙ্কর গৃহ হইতে সদর রাস্তায় বাহির হইল, বাহির হইয়া বরাবর বকুণ নদীর সমীপ মেই ভগ্ন অট্টালিকা অভিযুক্ত ধীরে ধীরে এই ভয়ঙ্কর সময়ে অগ্রসর হইতে লাগিল। পথে লোকজনের চলাচল বৃক্ষ। খুব তফাত তফাত মিউনিসিপ্যালিটির অঞ্চলোক-সভা দণ্ডয়মান, দুগ্গোপনীয়ের মত কোনটী মিট্ৰিট্ৰ কৱিয়া জলিতেছে, কোনটী বা একেবারে নির্বাণ। এমন সময় অনতিদূরে সেই অক্ষকার ভেদ কৱিয়া “বাবারে, গেলুম রে, রক্ষা কৰ !” এই করুণ শব্দ শঙ্করের শ্রতিগোচর হইল।

শঙ্করকে হস্তগত কৱিবার জন্য আমরা এক জাল পাতিয়া রাখিয়াছিলাম, দেখিতে দেখিতে শঙ্কর আসিয়া সেই জালে পতিত হইল।

চীৎকার শুনিয়া শঙ্করের বোধ হইল, অত্যাচার-নিপীড়িত কোন স্ত্রীলোকের আর্তনানি। “অবলাৱ উপৱ অত্যাচাৱ !” এই বলিয়া শীত্রগতি অক্ষকারে সেই স্বৰ লক্ষ্য কৱিয়া সেইদিকে চলিয়া গেল। গিয়া দেখে, যাহা ভাবিয়াছিল, তাহাই ; একটী যমদূত সদৃশ পুরুষমূর্তি রাস্তার উপৱ একটী স্ত্রীলোকেৱ হাত ধৰিয়া সজোৱে টানিয়া লইয়া যাইতেছে, নিকটে একখানি ২য় শ্রেণীৰ গাড়ী দণ্ডয়মানি। শঙ্করকে নিকটে আসিতে দেখিয়া দুবৰ্ত্ত রমণীকে ছাড়িয়া দিয়া অক্ষকারে কোথাৱ মিশিয়া গেল। শঙ্কর রমণীৰ নিকটে গিয়া বলিল, “আপনাৱ আৱ ভয় নাই, সে পাষণ্ড অৰ্মাকে দেখিয়াই পলাইয়াছে।”

রমণী কহিল, “আমাৱ জৈনদাতাৱ নিকট আমি চিৱকালেৱ মত ঝণী রহিলাম।”

ଶକ୍ତର କହିଲ, “ବଲୁନ, ଆପନାର ଆର କି ଉପକାର ଆମାର ଦ୍ୱାରା ହଇତେ ପାରେ ?”

ରମଣୀ । ପାଷଣ ନରାଧିଷ୍ଠ ଚଲିଯା ଗିଯାଛେ ତ ?

ଶକ୍ତର । ହଁ, ମେ ଜନ୍ୟ ଅର ଭୟ ନାହିଁ ।

ର । ଅମୁଗ୍ରହ କରିଯା ସଦି ବାଟୀ ରାଧିଯା ଆସେନ ।

ଶ । ଚଲୁନ—ପଥ ସତଇ କେନ ବିପଦମୟୁଳ ହୁକ ନା, ଆପନାକେ ନିରାପଦେ ବାଟୀ ପଞ୍ଛିଯା ଦିବ ।

ର । ଆପନି ଅପରିଚିତ—ଆପନାର ସଙ୍ଗେ—

ଶ । ଅପରିଚିତ ବଟେ, କିନ୍ତୁ ଯେ ଭଦ୍ରଲୋକ କୋନ ନିରାଶ୍ୟ ବ୍ୟକ୍ତିକେ ବିପଦ ହଇତେ ଉକ୍ତାର କରେ, ମେ-କି ତାହାକେଇ ଆବାର ବିପଦେ ଫେଲିତେ ପାରେ ?

ରମଣୀ ବିଶେଷ ଲଜ୍ଜିତା ହଇଯା କହିଲ, “ତବେ ଦେଖୁନ ଦେଖି, ଗାଡ଼ୋଯାନ ଆଛେ ନା ପଲାଇଯାଛେ ?” ଶକ୍ତର ଗାଡ଼ୀର ନିକଟ ଗିଯା ଦେଖେ, ଚାଲକପ୍ରବର ମଡ଼ାର ମତ ଗାଡ଼ୀର ନୀଚେ ଏକଥାନି କୁହଲେ ସମସ୍ତ ଶରୀର ଆବୃତ କରିଯା ପଡ଼ିଯା ଆଛେ । ଶକ୍ତରେର ଡାକାଡାକିତେ ଶକ୍ତଚାଲକ ଭୟେ କୀପିତେ କୀପିତେ ଗାଡ଼ୀର ନିମ୍ନ ହଇତେ ବାହିର ହଇଲ । ରମଣୀ ଓ ଶକ୍ତର ଗାଡ଼ୀର ଭିତର ବସିଲ, ଚାଲକ ଗାଡ଼ୀ ହାଁକାଇଯା ଦିଲ । “ଏହି ଭୟକ୍ଷର ରଜନୀତେ ରାଜପଥେ ଏ ରମଣୀ କେ ? ବ୍ୟାପୀର କି ?” ଏହି ସମସ୍ତ ଚିନ୍ତାତେ ଶକ୍ତର ଏତଇ ଅନ୍ୟମନ୍ଦ୍ର ଛିଲ ଯେ, ଗାଡ଼ୀ କୋନ୍ ପଥ ଦିଯା କତ୍ତୁର ଆସିଲ, ଠିକ କରିତେ ପାରିଲ ନା । ଅବଶେଷେ ଗାଡ଼ୀ ଆସିଯା ଏକଟୀ ଶ୍ରୀକାନ୍ତ ଅଟ୍ରାଲିକାର ସଦର ଦରଜା ଦ୍ୱାରାଇଲ । ରମଣୀ ଅମନି ବଲିଯା ଉଠିଲ, “ଆଃ ! ଏହିବାର ହାପ ଛାଡ଼ିଯା ବୀଚ୍‌ଲାମ, ଆମରା ବାଢ଼ୀ ଏମେହି ।” ମେହି ଅପରିଚିତା ରମଣୀ ଓ ଶକ୍ତର ଗାଡ଼ୀ ହଇତେ ଅବତରଣ କରିଲ । ରମଣୀ କହିଲ,

“মহাশয়, আপনি আমার জীবনদান করিয়াছেন, একেণ দয়া করিয়া আমাদের বাটীতে নিশামাপন করিলে বড়ই সুখী হই।” শক্র
রমণীর কথায় দ্বিঙ্কভি করিল মা—উভয়ে বাটীর মধ্যে প্রবেশ
করিল।

সিঁড়ি দিয়া উপরে উঠিতে উঠিতে শক্র রমণীকে জিজ্ঞাসা
করিল,—

“এই আপনার বাড়ী !”

র। আপাততঃ আমি এখানে বাস করি বটে।

শ। এটী বহুকালের পুরাতন বাটী বলিয়া বোধ হয়।

র। এর পর আপনাকে সমস্ত দেখাইব—এখন চলুন, উপরে
বসিবেন।

উভয়ে সে ছিল হর্ষের এক বৈষ্টকখানায় আসিল, ঘরে
আলো জলিতেছে, রমণী কহিল, “বোধ হয়, সকলেই ঘূর্মাইয়াছে,
আপনি এইস্থানে বসুন, আমি ভৃত্যগণকে ডাকিয়া দিই।”

উজ্জল আলোকে রমণীকে উত্তমরূপে নিরীক্ষণ করিয়া শক্রমনস্প
কহিল, “সুন্দরি ! বড়ই আশ্চর্যের বিষয় যে, এত বড় বাড়ী।
কিন্তু লোকজন নাই। সন্দেহ হচ্ছে। এর ভিতর কোন অভিসন্দি
নাই ত ?”

র। অবলা স্ত্রীজাতির নিকট ভয় পাচ্ছেন না কি ?

শ। স্ত্রীলোক দূরে থাকুক—কোন বীরপুরুষকেও আমি
ভয় করি না।

“তবে নিশ্চিন্তমনে বিশ্রাম করুন” এই বলিয়া রমণী অন্য
একটী দয়া দিয়া অসরমহলে চলিয়া গেল।”

প্রায় পনের মিনিট অতীত হয়, রমণীর আর দেখা নাই।

ଶକ୍ତର ଅହିର ହଇୟା ଉଠିଲ—ଡାବିତେ ଲାଗିଲ, ରମଣୀ କେ ? ଇହାର ଭିତର ନିଶ୍ଚଯଇ କୋନ ସ୍ତରସ୍ତ୍ର ଆଛେ । ଆରା ଦଶମିନିଟ ଅତିବାହିତ ହଇଲ, ଶକ୍ତରେର ସନ୍ଦେହ ବାଡ଼ିଲ, ସେ ସେ ଦରଜା ଦିଯା ବୈଠକଥାନାୟ ପ୍ରବେଶ କରିଯାଇଲ, ମେହି ଦରଜାର କାହେ ଗିଯା ଦରଜା ଥୁଲିବାର ଚେଷ୍ଟା କରିଲ, କିନ୍ତୁ ହରି ହରି ! ସାହା ଡାବିଯା-ଛିଲ, ତାହାଇ ହଇଲ—ଦରଜା ବାହିର ହଇତେ ବନ୍ଧ ।

ଶକ୍ତର ହତ୍ୟକୀ ହଇୟା ଏକଥାନି ଚେଯାରେର ଉପର ସମ୍ମିଳିତ ପଡ଼ିଲ । ତାହାର ନିକଟ ସେ ଦୁଇଥାନି ଅନ୍ତରେ ଛିଲ, ହାତ ଦିଯା ଦେଖେ, ତାହା ନାହିଁ । ଅନ୍ଧକାରେ ସଥନ ରମଣୀର ସହିତ ଗାଡ଼ିତେ ଆସିତେଛିଲ, ତଥମହି କୌଶଳକ୍ରମେ ସେ ଦୁଇଥାନି ରମଣୀ ଦ୍ୱାରା ଅନ୍ତର୍ହିତ ହଇଯାଛେ, ଇହା ବେଶ ବୁଝିତେ ପାରିଲ । ଏଥନ ଆର ଉପାୟ ନାହିଁ, ଅନ୍ତରେ ସାହା ଆହେ; ତାହାଇ ହଇବେ, ଏହି ବଲିଯା ମନକେ ପ୍ରବୋଧ ଦିତେ ଲାଗିଲ । ଆର ଏକ ଏକବାର ଚିନ୍ତା କରିତେ ଲାଗିଲ—“ଏଥନ କର୍ତ୍ତବ୍ୟ କି, କି ଉପାୟ କରିଲେ ଏଥାନ ହଇତେ ବାହିର ହଇତେ ପାରି ?”

ଏମନ ସମୟ ମହିମା କପାଟ ଉତ୍ସୁକ ହଇଲ । “କି, ଶକ୍ତର ବାବୁ ! ଭାଲ ଆହୁ ତ ?” ଏହି ବଲିଯା ଏକଟୀ ଭଜଳୋକ ତାହାର ମଞ୍ଚୁଥେ ଉପର୍ହିତ, ସଙ୍ଗେ ଏକଜନ ଲୋକ । ଶକ୍ତର ଅନ୍ତମନକୁ ଛିଲ, ଚାହିୟା ଦେଖିଲ, ସାହା ଦେଖିଲ, ତାହାତେ ତାହାର ଶରୀରେର ରଙ୍ଗ ଜଳ ହଇୟା ଗେଲ, ପ୍ରାଣପାର୍ଥୀ ଦେହପିଞ୍ଜର ଛାଡ଼ିବାର ଉପକ୍ରମ କରିଲ, ତାଲୁ ଧେନ ଶୁକାଇତେ ଲାଗିଲ—ବୋବାର ହାତ୍ୟ ହଇୟା ଗେଲ, ମୁଖେ କଥା ନାହିଁ । ଦେଖିଲ, ଅମରଟାନ ଓ ତୀହାର ମେହି ସମ୍ମୀ ଅର୍ଥାତ୍ ଆମି ମେହି ହାନେ ଦେଖାଯମାନ । ଅମରଟାନ ଆସିଯାଇ ଜିଜ୍ଞାସା କରିଲେନ,—“ପାଲାବାର ଚେଷ୍ଟା କରିଛିଲେନ ନାକି ?”

শক্র। বুঝিলাম—এ ষড়যন্ত্র আপনারই।

অমর। আপনি কি ইহাকে চাতুরী বলেন?

শ। চাতুরীছাড়া আর কি বলিব?

অ। হয় হ'ল। বলছি কি, 'এইবেলা আচীর্ণস্বজনকে
একবার স্মরণ করলে হ'ত না?

শ। হত্যা করবে নাকি?

অ। না—না, তা নয়; তবে কি জান, আচীর্ণস্বজনের
মাঝা।

শ। যদি আমাকে এ প্রকালে খুনই করবে, তবে আমার
অস্ত্রাদি অপহরণ করলে কেন?

অ। তোমার মঙ্গলের জন্ম।

শক্র স্থণার হাসি হাসিয়া বলিল, “মঙ্গলের জন্মই বটে! তাই
আগে থেকে আমাকে নিরস্ত্র করা হয়েছে!”

অ। বুঝিয়ে বলছি—বাচাবার জন্মই তোমাকে নিরস্ত্র করা
হয়েছে।

শ। চাতুরী করিয়া আপনিই আমাকে এখানে লইয়া
আসিয়াছেন?

অ। আনিয়াছি, তোমার জীবনরক্ষা করিবার জন্য!

শ। শক্র কি কখন শক্রর জীবনরক্ষার জন্য ব্যাকুল হয়?

অ। আমরা উভয়ে শক্র নয়।

শ। তবে কি?

অ। ধাক,—তুমি আমাকে কাল বড় অপমান করেছিলে,
তার কারণ কি?

শ। কারণ বলিতে বাধ্য নহি।

অ। আচ্ছা, তুমি না বল, আমি বলছি। রমণীর মোহ, আর পাঁচ হাজার টাকা। কেমন, ঠিক বলছি কি না?

এই কথা শুনিয়া শঙ্কর চমকিয়া উঠিল, মনে মনে চিন্তা করিতে লাগিল, “এ ব্যক্তি ওসব কথা কোথা হইতে শুনিল; বড়ই আশ্চর্য! আমরা দুজনে বই আর কোন প্রাণীই ত এসব কথাবার্তার বিস্তুবিসর্গও জানে না। অমরঁদ কেমন করিয়া এই গুটরহস্তের সঙ্গান রাখিল, কি তয়ানক লোক!”

অ। তাৰছো কি, কেমন ক'রে জানতে পাইলেম? মে অনেক কথা।

শ। ভিতৱ্যের কথা তবে আপনি সকলি টের পাইয়াছেন—আপনি বলিলেন, আমাকে বাঁচাবাৰ জন্য তোমায় নিৱন্ত্ৰ কৰিয়াছি, এখন অনুগ্রহ কৰিয়া বিদায় দিন, আমি চলিয়া যাই।

অ। একটু স্থিৰ হও—আমাৰ বড় অপমান ক'ৰেছ? আমাৰে ত কথা ছিল, আজ রাত্রিতে তুমি আমাকে ইচ্ছা কৰিলে হত্যা কৰিবে। তা বৰুণা নদীৰ সেই ভগ্ন অট্টালিকায় না হইয়া—এইখানেই হইল, তাতে ক্ষতি কি?

শ। আমি নিৱন্ত্ৰ।

অ। তোমাৰ অন্ত দুইখানি আনিয়া দিতেছি।

শ। আপনাৰা দুই জন—আমি একাকী।

“হিতীয় ব্যক্তি কেহই থাকিবে না।” এই বলিয়া অমরঁদ শঙ্কৰের ছুরিকা দুইখানি লইয়া আসিলেন।

শঙ্কৰ দেখিল, তাহার নিজেৰ ছুরিকা বটে।

পুনৰায় অমরঁদ কহিলেন, “দেখ শঙ্কৰ, তোমাৰ সহিত আমাৰ বিবাদ কৱিবাৰ কোন প্ৰয়োজন নাই। তুমি যে আমাকে

হত্যা করিবে সংকল করিয়াছিলে, তাহা ত হইল না—এখন তুমি আমার আয়ত্তের মধ্যে, তোমাকে আসামীর পে পুলিসে চালান দিতে পারি, কিন্তু তাহা করিব না—তোমার গাঁও একটা ঔচড়ও লাগিবে না। তুমি যাহাতে কমলা রাঙ্কসীর কবল হইতে উদ্ধার পাও, তাহার চেষ্টা করিব—তোমাকে বাঁচাইব।”

শ। আমি কিছুই বুঝিতে পারিতেছি না—প্রথেলিকার ন্যায় বোধ হইতেছে।

অ। আমরা দুজনে যাহাতে এক সঙ্গে মরি, সেই কৌশল করিয়া রাঙ্কসী তোমাকে পাঠাইয়াছে।

শ। কিছুই বুঝিলাম না।

“সময়ে বুঝিবে।” এই বলিয়া অমরচান্দ ভৃত্যকে বলিলেন, “দুটো ইঁছুর নিয়ে আয় ত ?”

অনতিবিলম্বে পিঞ্জরাবক ইঁছুর দ্বয় আনিত হইল।

অমরচান্দ কহিলেন, “শক্র, এই লও তোমার ছুরিকা। একটা ইঁছুরের গায় ছুরিকার একটু আল ফুটাইয়া দাও, এমন করিয়া ফুটাইয়া দিবে, যেন অন্ধ রক্ত বাহির হয়।

শক্র তাহাই করিল। ছুরিকার খোচায় ইন্দুরের গাত্র হইতে যেমন রক্ত বাহির হইল, অমনি মুখ দিয়া গল গল করিয়া লাল পড়িতে লাগিল, ইঁছুরটী যাতনায় ছট ফট করিতে করিতে নিমেষের মধ্যে পঞ্চ প্রাপ্ত হইল।

অমরচান্দ কহিলেন, “দেখিলে শক্র ! ও ছুরিকাধানিও পরীক্ষা কর।”

শক্রদাম ঐক্ষণ্য করিলে পূর্ববৎ এ ইছুরটাও তৎক্ষণাত প্রাণ-ত্যাগ করিল।

তখন শঙ্করদাস অমরচান্দের পদজলে পতিত হইয়া বলিতে
লাগিল,—“ক্ষমা করুন, আমি পিশাচ—আপনি দেবতা—ক্ষমা
করুন।—না, এ অধমকে ক্ষমা করিতে নাই! আমি কালভুজঙ্গীর
কথায় ভুলিয়াছি।”

অ। এখন বুঝিতে পারিয়াছ কি?

শ। আমাকে বুঝাইয়া দিউন—আমি এখনও এ গৃহ রহস্যের
মর্মাদ্বাটন করিতে পারি নাই।

অ। ছুরিকা দুইখানি বিষাক্ত—কমলারাণী এই দুইখানি
আমাদের দুজনকে একসঙ্গে নিপাত করিবার জন্যই তোমাকে
দিয়াছিল।—যদি আমরা এই অস্ত্রদ্বয় চালনা করিতাম, উভয়ের
অঙ্গই ক্ষত বিক্ষিত হইত, তাহা হইলেই নিমেষ মধ্যে ঐ দুইটী
মুষিকের মত প্রাণ হারাইতাম, কমলা নিরাপদ হইত।

শ। আপনাকে হতা। করিবার কমলার উদ্দেশ্য কি?

অ। কমলার আমি যম—আমি বাঁচিয়া থাকিতে কমলার
জীবনে এক দণ্ড স্বীকৃত নাই—তাই কমলা আমাকে যে প্রকারে
হউক খুন করিতে উদ্ধৃত। তুমি তাহাকে ভালবাস—আর সেও
তোমাকে বিবাহ করিবে বলিয়াছে, আমাকে খুন করিতে পারিলেই
তৎক্ষণাত্ম সেই দণ্ডেই—তাহা আমি জানি, কিন্তু তাহা হইত
না—হইবেও না। যদি তুমি অমরচান্দকে খুন করিতে সমর্থ হইতে,
তা হইলে দেখিতে পাইতে—তোমার কি লাঙ্গনা হইত, তোমার
অমৃতে গরল উঠিত—কমলা তোমার শক্ত হইত।

শ। আমি আর সেখানে যাইব না—আমার জ্ঞান হইয়াছে,
কবে কি করিয়া বিষ খাওয়াইয়া মারিয়া ফেলিবে। বুঝিলাম,
স্ত্রীজাতির ক্ষমত্ব কার্য এ জগতে কিছুই নাই।

অমরঁাদ পুনরায় কহিলেন,—“আমি কোন ভয় নাই, আজ হইতে তুমি আমার পরম মিত্র—আমার সহায়, তোমার বিপদে আমার বিপদ, টাকা কড়ি তোমার যথন যাহা দরকার হইবে—আমি দিব—সে বিষয় ভাবিও না। আমার নিকট আপাততঃ থাকা হইবে না—তোমাকে কমলার নিকট থাকিতে হইবে, নহিলে আমার কার্যসিদ্ধি বিষয়ে ব্যাপারটি ঘটিবে।”

শঙ্কর জিজ্ঞাসা করিল, “কি কার্য ?”

অ। তুমি সহায় না হইলে আমরা কমলাকে গ্রেফ্তার করিতে পারিব না।

শ। গ্রেফ্তার ! কমলা কি করিয়াছে ?

অ। কমলা পতিঘাতিনী—রাক্ষসী, স্বামীকে খুন করিয়া দেশ হইতে পরিত্র কাশীধামে পলাইয়া রহিয়াছে, কিন্তু আমাদিগের চোখে ধূলা দেওয়া বড় কঠিন—আমরাও তাহার পশ্চাং পশ্চাং আসিয়াছি। এতদিন কবে আমরা পিশাচীকে রাজধানীরে উপস্থিত করিতাম, কিন্তু করি নাই, মাগী বড় ধড়িবাজ, আমাদিগের উপরও চাল চালে, আমাদের চর সর্বত্র তা জানে না।

শ। গ্রেফ্তার কল্পেই ত পারেন ?

অ। এখন নয়, উহার জীবনের ষটনাবলি জানিতে আরও বাকী আছে, কিন্তু উহার জীবনের উপর যাহাতে কোনৰূপ আঘাত না হয়, তাহারও চেষ্টা করিব। কেন না, পাপের অনু-তাপে ভবিষ্যতে স্বভাবের অনেক পরিবর্তন হইতে পারে।

শ। স্বামীঘাতিনীকে দয়া প্রকাশ অনুচিত।

অ। তাহার কিছু বিশেষ শ্রমাণ অব্যাপি পাই নাই, সেইজন্য তোমাকে বাঁচাইলাম, তোমার স্বারা আমার কার্য সমাধা হইবে।

শঙ্কর বলিল, “এত বড় ধনশালিনী শ্রীলোক কথন দেখি নাই ?”

অ । কমলা নিজের ধনে ধনী ।

শ । তবে কমলার জীবনী সম্বন্ধে আপনি সমস্ত জানেন ?

অ । গোপনে অমুসন্ধান রাখাই আমাদের প্রধান কাজ ।

শ । কমলা কে আমায় বলুন ?

অমরঠাদ একটু ইতস্ততঃ করিয়া বলিলেন, “আমি বলিতে পারি কিন্তু আমার কথায় বাধ্য হইয়া চলিতে হইবে, যখন যেরূপ বলিব, তাহা সম্পন্ন করিতে হইবে, ইহাতে যদি সম্ভত হও, তবে বলি ।”

শ । আমি আপনার দাস—যখন যাহা বলিবেন, অকপটে তাহা সম্পন্ন করিব, যাহাতে মাগী জন্ম হয়, তাহাই করিব ।

অমরঠাদ একটু হাসিয়া কহিলেন, “তবে যদি নিতান্তই শুনিবার ইচ্ছা হইয়া থাকে, তবে দুই এক দিবস অপেক্ষা কর, সমস্তই তোমাকে বলিব । এখন আমরা যেরূপ উপদেশ দিব, সেইরূপ কার্য কর । এখন তুমি কমলার নিকট গিয়া বল, অমরঠাদ আর নাই, জন্মের মত তাহাকে পৃথিবী ছাড়া করিয়াছি । যদি আমার মৃতদেহ দেখিতে চায়, তুমি স্বচ্ছল্যে সেই বরণার ভগ্ন অট্টালিকায় লইয়া যাইবে—আমি মৃতের ন্যায় পড়িয়া থাকিব—জীবিত কি মৃত, কমলা কিছুই বুঝিতে পারিবে না—পরে যা করিতে হইবে বলিয়া দিব ।” এই বলিয়া অমঠাদ শঙ্করদাসকে সদৰ রাস্তায় তুলিয়া দিলেন । শঙ্করদাস চলিয়া গেল, অমরঠাদ ও তাহার পশ্চাত পশ্চাত গুপ্তভাবে গমন করিতে লাগিলেন ।

ষষ্ঠ পরিচ্ছেদ।

শক্র ও কমলা

রাতি দুইটা বাজিয়াছে। এখনও টিপ্ টিপ্ করিয়া বৃষ্টি পড়িতেছে। শক্রদাস হস্তা দুষ্টা হইয়া একেবারে কমলার ঘরে গিয়া উপস্থিত, অমরচান্দ ও প্রতিভাবে পাঞ্চের ঘরে লুকাইয়া রহিলেন। শক্রকে দেখিয়াই কমলা জিজ্ঞাসা করিলেন,—

“কাজ শেষ হ’য়েছে ?”

গন্তীরস্বরে শক্র উত্তর করিল, “আমি খুন্নী !”

কমলা। নিকেশ করেছো ?

শ। আমি হত্যাকারী !

ক। স্পষ্ট করিয়া বল, মরেছে কি না ?

শ। ওঃ ! মনে করলে এখনও গা শিউরে ওঠে—কমলা ! আমি কল্পুম কি ! প্রতারণা পূর্বক একজনের জীবন নাশ করেম, বিষমাধান ছোরা ! উঃ ! আর বলতে পারি না !

ক। একেবারে কি দ্বিতীয় করেছ ?

শ। না ; বাহ্যুলে অন্নমাত্র আঘাত করিবামাত্র অমরচান্দ বসিয়া পড়িল—পরক্ষণেই চিরকালের মত শুমাইয়া পড়িল .

ক। সেখানে আর কেউ ছিল ?

শ। কেহই না।

ক। ধড়টা সেখানেই পড়িয়া আছে ?

শ। হঁ।

ক। আমি দেখবো চল।

ଶ । ତୋମାକେ ଆମି ଦେଖାନେ ନେ ସେତେ ପାରିବୋ ନା ।

କ । ଏଥୁଣି ସେତେ ହ'ବେ ।

ଶ । ଆମି ତୋମାର ଦାସ, ଚଲ—ମୃତଦେହ ଦେଖାଇଗେ ।

ତ୍ରୈକ୍ଷଣୀୟ ଗାଡ଼ୀ ତୈୟାରୀ ହଇଲ, ଏହିକେ ଅମରଟାନ ମେହି ସର ହଇତେ ବାହିର ହଇୟା ଅପର ଏକଥାନି ଗାଡ଼ୀତେ ଆରୋହଣ କରିୟା ଚଲିଯା ଗେଲେନ । ରାତ୍ରି ଆନାଜ ତିନଟାର ସମୟ ଶକ୍ତର ଓ କମଳା ମେହି ଭୟକ୍ଷର ରାତ୍ରିତେ ବର୍କଣ ନଦୀର ଧାରେ ମେହି ଭଗ୍ନ ଅଟ୍ଟାଲିକାୟ ଉପଥିତ । ବାଡ଼ୀଟା ସେଇ ଥାଏ ଥାଏ କରଛେ, ଜନମାନବେର ସାଡ଼ା ନାହିଁ, ସେଇ ସମ୍ପୂର୍ଣ୍ଣ—ଅନ୍ଧକାରେ ପୂର୍ଣ୍ଣ । ଶକ୍ତର ମେହି ଅନ୍ଧକାରେ କମଳାକେ ରାଖିୟା କୋଥାୟ ଚଲିଯା ଗେଲ, ମୁହଁର୍ତ୍ତ ମଧ୍ୟେ କାପିତେ କାପିତେ ଫିରିୟା ଆସିଯା କହିଲ,— “ଆମୁନ ନା ।” ନୌଚେକାର ଏକଟୀ ସରେ କମଳାକେ ଲାଇୟା ଗେଲ, ତଥାୟ ଅର୍ଦ୍ଧସ୍ତିମିତ ଏକଟୀ ଆଲୋ, ମେହି ଆଲୋକେ କମଳା ଯାହା ଦେଖିଲେନ, ଅନ୍ତିମ କେହ ହଇଲେ ମୁର୍ଚ୍ଛା ଯାଇତ । କମଳା ଦେଖିଲେନ, ଅମରଟାନର ଦେହ ପଡ଼ିୟା ରହିଯାଛେ । କମଳା ମୃତଦେହକେ ଭାଲ କରିୟା ଦେଖିତେ ଲାଗିଲେନ, ଏକବାର ମୃତେର କପାଳେ ହାତ ଦିଲେନ, ବଞ୍ଚଃଷ୍ଟଳ ପରୀକ୍ଷା କରିଲେନ, ଶେଷେ ବଲିଲେନ,—“କୋଥାୟ ଆସାତ କରେଛ ?”

ଶକ୍ତର ବାହ୍ୟମୂଳ ଦେଖାଇୟା ଦିଲ—ତଥା ହଇତେ ରତ୍ନଧାରୀ ଏଥିନେ ପର୍ଯ୍ୟନ୍ତ ବାହିର ହଇତେଛେ ।

“ବେଶ ହ'ଯେଛେ—ଆମି ତୋମାର ଉପର ବଡ଼ି ସନ୍ତୃଷ୍ଟ ହ'ଲେମ, ଚଲ, ଆମରା ଏଥିନ ଯାଇ ।” ଏହି ବଲିୟା ଉତ୍ତରେ ଗାଡ଼ୀତେ ଉଠିଯା ବାଡ଼ୀ ଚଲିଯା ଗେଲ ।

ଅମରଟାନଙ୍କ ଉଠିଯା ତାହାରେ ପଞ୍ଚାଂ ପଞ୍ଚାଂ ଗମନ କରିଯା ପୁନରାୟ ମେହି ବାଡ଼ୀର ଭିତର ଅଳକ୍ଷେ ପ୍ରେସ କରିଲେନ ।

বাড়ীতে গিয়া কমলা শঙ্করকে বলিলেন, “কাল সকাল সকাল
আমার সঙ্গে দেখা করবে ?”

শ। কোথায় ?

ক। এইখানে আর কোথায় ?

শ। মনে আছে যা ব'লেছিল ?

ক। কাল তাহার উত্তর পাবে।

শঙ্কর নিজের প্রকোষ্ঠে চরিয়া গেল, গিয়া দেখে, একটা
ভদ্রলোক তাহার অপেক্ষায় বলিয়া আছে। শঙ্করকে দেখিয়া
ভদ্রলোকটা আস্তে আস্তে কহিলেন, “আপনার নাম বোধ হয়
শঙ্করদাস ?”

শ। হঁ, আমারই নাম শঙ্করদাস।

ভ। একটা সংবাদ আছে।

শ। আপনি কোথা হইতে আসিতেছেন ?

ভ। আমাকে কি আগনি চিনিতে পারিতেছেন না ?

শঙ্কর আলোতে উত্তমরূপে ভদ্রলোকটাকে দেখিয়া কহিল,—
“না—আপনাকে আমি কখন দেখি নাই।”

ভ। তথাপি আমি অপরিচিত নহি।

শ। আপনাকে দেখিয়াছি—কই—কখন—মনে পড়ে না।

ভ। আপনি এতক্ষণ কমলার ঘরে ছিলেন ?

শ। হঁ, ছিলাম।

ভ। কমলাকে অমরচাদের মৃতদেহ দেখাইয়াছেন।

এই কথী শুনিয়া—শঙ্কর হতবুদ্ধির ন্যায় হইয়া গেল, ভাবিল,
এ 'সেই রাক্ষসী কমলার চাতুরী—সাহসে ভর করিয়া উত্তর
করিল,—

“আপনার পরিচয় আগে না পাইলে আপনার কথার উত্তর
দিব না ।”

ভ । আমি আপনার বন্ধু ।

শ । তবে কেন অযথা কথা বলিতেছেন ?

ভ । আপনি অযথা কাজ করিলেন কি প্রকারে ?

শ । কি অযথা কায় ?

ভ । অমরচান্দকে খুন !

শ । কে বলিল, আমি খুন করিয়াছি ?

ভ । আমি সেখানে উপস্থিত ছিলাম !

শ । মিথ্যা কথা !

অপরিচিত ভদ্রলোকটা একটু হাসিয়া নিজের ক্ষত্রিয় দাঢ়ী
গেঁফ ও টুপি নিমেষ মধ্যে খুলিয়া ফেলিলেন, শঙ্কর দেখিল,
অমরচান্দ ।

শ । উঃ, এতক্ষণ পরে হাঁপ ছেড়ে বাঁচ্লুম—কি আশ্চর্য !
আমি কিছুতেই আপনাকে চিন্তে পারিনি ! বেশ পরিবর্তনের
আচ্ছা বাহাহুরী !

অ । এ আর কি আশ্চর্য ! আর দশ মিনিট পরে যদি
তোমার সঙ্গে দেখা করি, তাহ'লেও তুমি আমাকে চিন্তে পার
নামি। কমলা ঠিক মনে করেছে যে, আমি মরেছি, না—শঙ্কর ?

শ । যেনে মড়ার মত পড়েছিলেন, তাতে বিশ্বাস হবে
না—ধন্য কৌশল ।

“যাহা হউক, সংবাদটা জেনে গেলুম, কিন্তু খুব সাবধান,
যেন ঘুণাক্ষরেও টের না পায়—তা হলেই তুমি গেছো ! কাল এক
সময়ে দেখা হবে ?” এই বলিয়া অমরচান্দ প্রস্থান করিলেন ।

সপ্তম পরিচেদ।

শঙ্কর কল্পনা

কমলার কথামুয়ায়ী শঙ্কর পরিবন প্রাতে কমলার সহিত দেখা করিল। শঙ্করকে দেখিবামাত্র কমলা ভয়বিহীন স্বরে বলিয়া উঠিলেন,—

“শঙ্কর ! সর্বনাশ হয়েছে—আমরা ধরা পড়েছি ?”

শ। ধরা পড়েছি !—কি করিয়া ?

ক। পুলিসের গুপ্তচর এসেছিল।

শ। তার পর।

ক। তার পর আর কি—আমাদের উপর সন্দেহ হয়েছে, আমাদের গ্রেফ্তার করবে !

শ। কোন ভয় নাই।

ক। অমরঁচাদের মৃতদেহ যদি বা'র করে ?

শ। সে দেহ কি আর আছে, আমি বাঁতেই উহা আলাইয়া দিয়াছি। এখন তোমার প্রতিজ্ঞা পূরণ হইলেই হয়।

ক। এ অবস্থায় কিছুতেই হ'তে পারে না—তুমি খুনী, তোমার কথন কি বিপদ হয় তা কে বল্তে পারে ? আর বিশেষতঃ, তোমার বিশ্বাস কি ?

শঙ্কর কহিল, “তুমি জান, তোমার হাতে আমি নই—বরঞ্চ আমার হাতে তুমি। অমরঁচাদের জামার ভিতর একখানি কাগজ ছিল, তাহা আমি পাইয়াছি, তাহাতে তোমার বিষয়—তোমার জীবনের সমস্ত বিষয় বিবৃত আছে; মনে করিলে তোমাকে আমি

এই মুহূর্তে পুলিসের হস্তে সমর্পণ করিতে পারি। তুমি স্বামী-
বাতিনী, স্বামীকে হত্যা করিয়া বারাণসীতে পলাইয়া আসিয়াছ,
তা হ'লে আমি খুনী না তুমি খুনী ! কেমন, এখন রাজী আছ ত ?”

কমলার মুখ বিবর্ণ হইয়া গেল, কমলা কম্পিত স্বরে
কহিলেন,—“রাজী আছি, কিন্তু কাগজখানি আমার আগে দাও।”

শ। আগে আমি দিতে পারি না।

ক। অমরচান্দকে তুমি খুন করিয়াছ—সাবধান।

শ। পতিহত্যা কে করিয়াছে ?

ক। তাহার প্রমাণ নাই—

শ। অমরচান্দের এই কাগজ প্রমাণস্বরূপে দাঢ়াইবে।

ক। না দাও—একবার দেখাও—

শ। আমার কথায় রাজী না হইলে আমি কিছুতেই
দেখাব না।

ক। না দেখাও না দেখাইবে। তুমি ভৃত্য হইয়া চলে হস্ত
প্রসারণ করিতে যাইতেছ। তুমি কি আমাকে কুলটা জ্ঞান
করিয়াছ যে, আমি তোমার প্রস্তাবে সম্মত হইব ? তোমাকে
আমি যে আশ্বাসবাক্য প্রদান করিয়াছিলাম, সে কেবল আমার
কার্য উক্তাব করিতে। এখন আমার কার্য শেষ হইয়াছে। তুমি
ভৃতা, ভৃত্যের কার্য করিয়াছ, এখন তোমাকে আমি আরও পাঁচ-
শত টাকা প্রদান করিতেছি, লইয়া এই স্থান হইতে প্রস্থান কর।

কমলা যখন শক্রকে এইরূপ কহিতেছেন, সেই সময় এক
প্রকাণ দীর্ঘ গৌপদাড়ীবিশিষ্ট ভীমাকায় পুরুষ কমলার সম্মুখে
আসিয়া উপস্থিত হইল। কমলা ভয়ে আড়ষ্ট—স্পন্দিন। ভীতান্তঃ-
করণে জিজ্ঞাসিলেন,—

“তুমি কে ?”

প। চিন্তে পাচনা ?

ক। না।

“তুমি আমাকে খুব চিন।” এই বলিয়া সেই ভীমকান্ধ
পুরুষ মাথায় পাগড়ী ও হৃতিষ শুঙ্গ শুলিয়া ফেলিল।
কমলা দেখিলেন, অমরচান্দ ! অমরচান্দকে দেখিয়া কমলা চীৎকার
করিবার উপক্রম করিতেছিলেন, এমন সময় অমরচান্দ কহিলেন,
“চীৎকারে কোন ফল নাই !”

কমলা ভীতসহকারে কহিলেন—

“তুমি কোথা হইতে আসিলে ?”

অমর। চিলু ভেদ করিয়া।

ক। আমি প্রতারিত হইয়াছি।

অ। মৃত ব্যক্তিকে দেখিয়া তোমার কি ভয় হয় না ?

ক। কি জীবিত—কি মৃত, কাহাকেও আমি ভয় করি না ;
কেবল একজনকে ভয় করি—ঈশ্বরকে—এবং বুঝিতে পারিলাম,
শঙ্কর তোমার চেলা, তোমারই উপদেশামুসারে সে সমস্ত কার্য
করে।

অ। সে যাহা হউক, এখন তোমাকে গ্রেপ্তার করিবার
নিমিত্ত ডিটেক্টিভ কর্মচারী বাহিরে ওয়ারেন্ট হাতে দাঢ়াইয়া
আছে। আমার আদেশ পাইলেই, তোমাকে গ্রেফ্তার করে।
কমলা ! এইবার তুমি হাতে-নাতে ধরা পড়িয়াছ !

ক। কেন আমাকে গ্রেফ্তার করিবেন ?

অ। স্বামীকে খুন করিয়াছ বলিয়া !

ক। ভগবান জানেন, আমি আমার প্রাণের স্বামীকে হত্যা

করি নাই। মিথ্যা স্বামীহত্যার অপরাধে লোক-সমক্ষে আর আমাকে অপমানিত করিবেন না। একে স্বামীর শোক, তাহে আমার মিথ্যা কলঙ্ক ঝটনা করিয়া শোক-সমাজে আমাকে বিশেষরূপ অপমানিত করিবার চেষ্টা করিতেছিলেন। এই জন্যই আমুহত্যা করিয়া জীবন জুড়াইবার নিমিত্তই এখানে আসিয়া-ছিলাম ও আমার যাহা কিছু আছে তাহা আমি মুক্তহস্তে দান করিতেছিলাম। এইরূপে অর্থ শেষ হইলেই মণিকর্ণিকার গভে আমি আপন জীবন সমর্পণ করিতাম। আমার স্বামীর হঠাৎ নিরুদ্দেশে আমার মন একে অস্তির হইয়া রহিয়াছে, তাহার উপর মিথ্যা কলঙ্ক হৃদয়কে সর্বদা দগ্ধ করিতেছে। সে যাহা হউক, এখন আমার সময় উপস্থিত হইয়াছে, আমার যাহা কিছু আছে তাহা লইয়া আপনি নিবৃত্ত হউন, আমি আপন কার্য শেষ করি।

অ। আমি তোমার এক কপর্দিকেরও আশা করি না, যে আপন স্বামীকে হত্যা করিয়া ধনাধিকারিণী হইয়াছে, তার ধনস্পর্শ করিলেও মহাপাপ।

চোক্ষের জল ফেলিতে ফেলিতে কমলা বলিলেন,—“আপনি আমার উপর যে দোষারোপ করিতেছেন, তাহা সম্পূর্ণ মিথ্যা। স্বামী দেবতা।”

ঊঁ। তবে আমাকে হত্যা করিতে ইচ্ছা করিয়াছিলে কেন ?

ক। আপনার উপর আমার বড়ই ক্রোধ, কারণ আপনি রাষ্ট্র করিয়াছেন যে, আমি আমার প্রাণের স্বামীকে হত্যা করিয়াছি। এই জন্যই আমি উহার প্রতিহিংসা লইবার চেষ্টা করিতেছিলাম। কারণ আমার সংসারে আর কোন সুখ ছিল

না, আমার জুড়াইবার স্থান মণিকর্ণিকা গড়ই স্থির করিয়া
রাখিয়াছিলাম।

অ। তোমার সমস্ত অপরাধ চাপা পড়িতে পারে,—রাজ-
দ্বারেও তোমাকে যাইতে হইবে না, যদি তুমি সরলমনে—জীৰ্ণকে
সাক্ষী রাখিয়া, তোমার স্বামীর হত্যা-বিষয় স্বীকার কৰ, তাহা
হইলেই তুমি নিরাপদ জানিবে।

কমলার নেতৃত্বে বাপ্পজীরাক্তাস্ত হইল—কমলা কাঁদিতে
কাঁদিতে বলিলেন,—“আমি আমার জীবনের আর আশা করি
না, রাজদ্বারে যাইতেও আমার ভয় নাই। তবে যখন আপনি
আমার বিষয় অবগত হইতে চাহিতেছেন, তখন আমি আপনাকে
সমস্ত প্রকৃত কথা বলিতেছি, আপনি আমার কথায় বিশ্বাস কৰুন
আর না কৰুন তাহাতে আমার কিছুমাত্র ক্ষতি নাই। আজ
চারি বৎসর হইল, আমার স্বামী স্বর্গধামে চলিয়া গিয়াছেন—
তিনি অতুল গ্রিশ্যের অধিকারী ছিলেন, মোটা মাহিনার চাকুরী
করিতেন, তাহার অন্ত কোন অভিভাবক না থাকায়—আমি
পিত্রালয়েই থাকি, আমার পিতার আমি একমাত্র সন্তান—মাতা
জীবিত ছিলেন না—পিতার মত ধনশালী ব্যক্তি তখন আর সে
অঙ্গে কেহই ছিল না। তিনি বহুবিধ অত্যাচার করিয়া এই
ধনরাশি উপর্জন করিয়াছিলেন। তাহার অধীনে কতকগুলি
বদমাশেস ডাকাত থাকিত, পিতার ছকুম অনুসারে তাহারা
নানাবিধ কুকৰ্য্য করিয়া টাকাকড়ি আনিত। আমি পিতার
পার ধরিয়া কত বুঝাইয়াছি,—কত কাঁদিয়াছি, ধনক পিতা
আমার কথায় কর্ণপাতও করিতেন না। আমি স্তীলোক, কি
করিব, নীরবে সকলি সহ করিতাম। মনে হইত, এ পাপ-পুরীতে

ଆର ଥାକିବ ନା—ଏହିବାର ସ୍ଵାମୀ ଆସିଲେ ତୋହାର ମହିତ ଚଲିଯା ଯାଇବ । କିଛୁଦିନ ପରେ ତିନି ପନେର ଦିନେର ଛୁଟୀ ଲଙ୍ଘା ଆମାଦେର ବାଡ଼ୀ ଆସେନ । ସଂସରାଙ୍ଗେ ସ୍ଵାମୀର ମୁଖ ଦେଖିଯା ଆମାର ସକଳ ଚିନ୍ତା ଦୂରୀଭୂତ ହଇଲ । ମନେ କରିଲାମ, ଏହିବାର ଇହାର ସଙ୍ଗେ ଚଲିଯା ଯାଇବ—ଏଥାନେ ଆର ଥାକିବ ନା । ରଙ୍ଗନ କରିଲାମ, ସମସ୍ତ ଦିନ ଅନାହାରେର ପର ତିନି ସାମାନ୍ୟ ମାତ୍ର ଆହାର କରିଯା ଶୟନ କରିଲେନ । ଆମି ବୃକ୍ଷ ପିତାକେ ଧାଉୟାଇଲାମ—ପରେ ନିଜେ ତାଡ଼ାତାଡ଼ି ହଟ ମୁଖେ ଦିଯା ବହୁକାଳେର ପର ସ୍ଵାମୀର ପଦସେବା କରିତେ ପାଇବ—ଏହି ଭାବିଯା ସବେ ଗେଲାମ । ସବେ ଗିରୀ ଦେଖି, ତିନି ଗାଢ଼ନିନ୍ଦ୍ରାୟ ଅଭିଭୂତ, ଆମି ପଦପ୍ରାଙ୍ଗେ ବସିଯା ରହିଲାମ, କିନ୍ତୁ ବହୁକଣ ବସିଯା ଥାକିତେ ପାରିଲାମ ନା—ସ୍ଵାମୀମେବା ଆମାର ଅଦୃଷ୍ଟେ ସଟିଲ ନା, ଆମି ଘୁମାଇଯା ପଡ଼ିଲାମ । ପ୍ରାତଃକାଳେ ଆମାର ନିନ୍ଦ୍ରାଭଙ୍ଗ ହଇଲ—ଉଠିଯା ଦେଖି, ତିନି ଗୃହମଧ୍ୟେ ନାହି—ମନେ କରିଲାମ, ବାୟୁମେବନ କରିତେ ଗିରାଇଛେ, କ୍ରମେ ୭ଟା ୮ଟା ବାଜିଯା ଗେଲ । ତୋହାର ଦେଥା ନାହି—ବଡ଼ଇ ଚିନ୍ତିତ ହଇଲାମ, ମନେ ମନୋହ ହଇଲ,—ତାଡ଼ାତାଡ଼ି ବାବାର କାହେ ଗିଯା ସମସ୍ତ ବଲିଲାମ । ବାବା ଚକ୍ର ଛୁଟୀ କଟ ମଟ୍ କରିଯା ଚାହିଯା ବଲିଲେନ, “ମେ ଆହେ କି ଗେଛେ, ତାର ଆମି କି ଜାନି ।” ତେବେଳେ ଯଦି ଶତ ଶତ ଅଶନି ଆମାର ମନ୍ତ୍ରକେ ପତିତ ହିତ, ତାହାଓ ଆମି ମହ କରିବେ ପାରିତାମ, କିନ୍ତୁ ପିତାର ଏହି ଭୱାନକ କଥା, ଅଶନି ଅପେକ୍ଷା ମର୍ମଭେଦୀ ହଇଲ—ଆମି କାନ୍ଦିଯା ଉଠିଲାମ, ପିତାର ପଦପ୍ରାଙ୍ଗେ ପଡ଼ିଯା କତ କାନ୍ଦିଲାମ, କଟିନହଦୟ ପିତା ଚୁପ କରିଯା ଥାକିଯା ଅବଶେଷେ କହିଲେନ, “ମେ ଆର ଇହ-ଜଗତେ ନାହି ।” ଆମାର ହଦୟତନ୍ତ୍ରୀ ଛିଁଡ଼ିଯା ଗେଲ—ହଦ୍ଦପିଣ୍ଡେର କ୍ରିୟା ବିଲୁପ୍ତପ୍ରାୟ ହଇଲ, ଆମି ପାଗଲିନୀର ନ୍ୟାୟ ନିଜଗୁହେ ଆସିଯା କାନ୍ଦିତେ ଲାଗିଲାମ । କିନ୍ତୁ ଅଭାଗିନୀର କାନ୍ଦିବାରଙ୍ଗ ଅଧିକାର ବେଶୀକଣ ରହିଲ ନା—ପିତା ଆସିଯା ଉପହିତ । ଆମି ପିତାକେ ଦେଖିଯା ଉତ୍ତେଃସବେ ରୋଦନ କରିତେ

লাগিলাম। বাবা বলিলেন, “যা হবার তা হয়ে গেছে, তাকে ত আর ফিরে পাবে না—মা, তুমি আর কেন না।” আমি নিরস্ত হইলাম না। শেষে পিতা ক্রোধভরে কহিলেন, “যদি না চুপ কর—তোমাকে বাটী হইতে দূর ‘করিয়া দিব।’” অগত্যা আমি চুপ করিলাম,—পিতা চলিয়া গেলেন। দিন যাইতে লাগিল, আমি কেবল বিরলে বসিয়া কাদি। কিছুদিন পরে হঠাৎ জ্বর-বিকারে পিতার মৃত্যু হইল, আমি অসহায় ও একাকী হইলাম, জীবনে আর স্থুতি নাই। এইরূপে মাসাবধি গত হইল, একদিন পুলিস অর্থাৎ তুমি আসিয়া উপস্থিত। তোমাকে দেখিয়া আমার ভয় হইল, বুঝিলাম, আমার স্বামী খুন হইয়াছে, পুলিস জানিতে পারিয়াছে। সেখানে থাক। আর শ্রেষ্ঠস্তর বিবেচনা করিলাম না, অবশিষ্ট জীবন ব্রহ্মচারিণীরূপে পবিত্র কাশীধামে কাটাইব মনে করিয়া, এখানে আসিলাম। এখানেও আমার নিষ্ঠার নাই, আপনি সঙ্গে সঙ্গে। তখন মনে করিলাম, আমার সমস্ত অর্থ দান করিয়া গঙ্গাজলে আত্মবিসর্জন করিব! শক্ত দাস বলিয়া একটা লোক আমার নিকট চাকুরী স্বীকার করিল—সে যে বদ্লোক, তাহা আমি বুঝিতে পারি নাই, বলিতে কষ্ট হয়, সে আমায় দেখিয়া পাগলের মত হইল, কপট বিশ্বাসে তাহাকে আশায় রাখিয়া কৌশলে তাহাকে জন্ম করিব, এই চেষ্টা করিতে লাগিলাম। তাহার পর আপনি সমস্তই জানেন—আমার আর বাঁচিবার সাধ নাই, মরণ হইলেই মঙ্গল। কিন্তু একবার সাধ করিয়াছিলাম, যতকাল বাঁচিব, সেই পতিদেবতার ধ্যানে নিযুক্ত থাকিয়া, ব্রহ্মচর্য ব্রতে দীক্ষিত হইয়া, প্রতির পদযুগ স্মরণ করিতে করিতে মরিব—কমলা আর বলিতে পারিলেন না। কষ্টখাস কৃকৃ হইয়া আসিল—নেতৃত্বে উপরে উঠিল—কমলা মুর্ছিতা হইয়া পড়িলেন।

ଆସି ଅର୍କିଷ୍ଟା ପାରେ, କମଳାର ହୁର୍ଚ୍ଛା ଅପନୀତ ହଇଲ । କମଳା ଚକ୍ର ମେଲିଯା ଚାହିଲେନ, ଆବାର ମୁଦିଲେନ । ତୀହାର ମୃତ୍ୟୁ ଏକ ଦେବୋପମ ଶୁଳ୍କରକ୍ଷି ଯୁବକେର କ୍ରୋଡ଼ । ଯୁବକ ଏକଦୃଷ୍ଟିତେ କମଳାର ମୁଖେର ଦିକେ ଚାହିଯା ଆଛେନ । କମଳାକେ ଜାଗିତେ ଦେଖିଯା ଯୁବକ ମୃତ୍ୟୁରେ କହିଲେନ, “କମଳେ ! ଏଥନ ଉଠିବାର ପ୍ରୋଜନ ନାହିଁ ।” କମଳା ଆବାର ଚାହିଯା ଦେଖିଲେନ । କିଛୁଇ ଠିକ କରିତେ ପାରିଲେନ ନା, ପାଗଲେର ମତ ଉର୍କୁଦୃଷ୍ଟିତେ ଯୁବକେର ମୁଖପାନେ କେବଳ ଚାହିଯା ରହିଲେନ । ଯୁବକ ତାଲବୁନ୍ତ ବ୍ୟଜନ କରିତେଛେନ; କମଳା ଶଶବ୍ୟନ୍ତେ ଯୁବକେର କ୍ରୋଡ଼ ହିତେ ଉଠିଯା ଉନ୍ମତ୍ତେର ନ୍ୟାୟ ପ୍ରଳାପ ବକିତେ ଆରଣ୍ୟ କରିଲେନ, “ସାପ—ସାପ—କାଳ ସାପ ! ତୁହି ଆମାକେ ଦଂଶନ କରିଯାଛିସୁ !” କଟିଦେଶ ହିତେ ତୀଙ୍କଧାର ଛୁରିକା ବାହିର କରିଯା “ଏଥନି କାଳମାପେର ବିଷଦ୍ଵତ୍ତ ଭଗ୍ନ କରିବ” ବଲିଯା ଆଲୁ-ଥାଲୁ-ବେଶେ ଛୁରିକା-ହଞ୍ଚେ ଯୁବକେର ବକ୍ଷଃହଳେ ଆସାତ କରିବାର ଜନ୍ୟ ଧାବମାନ ହିଲେନ । ଯୁବକ ଭ୍ରମିତଗତିତେ କମଳାର ହଞ୍ଚ ହିତେ ଛୁରିକାଥାନି କାଢିଯା ଲଈଯା କହିଲେନ, “ହୁଦୟେଶ୍ଵର ! କମଳେ ! ଆମାଯ ଚିନ୍ତେ ପାଲେ ନା ? ଆମି ତୋମାର ସରୋଜ !” “କେ—କେ, ସରୋଜ ! ପ୍ରାଣେଶ୍ଵର—ସରୋଜ ! ଅଭାଗିନୀକେ ମନେ ପ'ଡ଼େଛେ ? ସ୍ଵର୍ଗ ହିତେ ଆୟାମ ନିତେ ଏମେହ ? ଦୀଡାଓ - ଦୀଡାଓ, ପ୍ରାଣେଶ୍ଵର—ସାଚି ।” ଏହି ବଲିଯା ପୁନରାୟ ମୁର୍ଛିତ ହଇଯା ପଡ଼ିଲେନ । ସରୋଜବାବୁ ତଙ୍କଣାଂ କମଳାକେ ହୁଦୟେ ଧାରଣ କରିଯା ପାଲକେର ଉପର ଧୀରେ ଧୀରେ ଶାୟିତ କରାଇଯା କମଳାର ପାର୍ଶ୍ଵ ଉପବେଶନ କରିଲେନ ।

ଉପମଂହାର ।

ପାଠକଗଣେର ବୋଧ ହୟ ଶ୍ଵରଣ ଥାକିତେ ପାରେ, ଆଜି ଚାରି ବଂସର ହଇଲ, ସରୋଜବାବୁ ଏକବାର ଶ୍ଵରବାଢ଼ୀ ଆସିଯାଇଲେନ; ତିନି ଆପଣ ଶ୍ଵରକେ ଡାକାତେର ମଙ୍ଗେ ତୀହାର ହତ୍ୟା ମସଙ୍କେ ପରାମର୍ଶ

করিতেও উনিয়াছিলেন। কাজে তাহাই ঘটিয়াছিল। ছৰ্ব্বত্ত
শুর দম্ভুষ্ম সমভিব্যাহারে শী঱ ছহিতার শমনমন্দিরে প্রবেশ
পূর্বক কোন দ্রব্যবিশেষের দ্বারা উভয়কে অচেতন করণস্তর
জামাতা সরোজবাবুকে হত্যা করিয়া দামোদরের জলে নিক্ষেপ
করিয়াছিলেন; কিন্তু যাহার পরমায় থাকে, তাহাকে কাহার
সাধা বিনষ্ট করে। জামাতাকে অৃত ভাবিয়া, দম্ভুষ্ম চলিয়া
গেল। কিন্তু ভগবানের কৃপায় সরোজবাবু দামোদরের স্বোতে
ভাসিতে ভাসিতে এক চড়ায় গিয়া লাগেন। তখন তাহার অন্ন
জ্ঞান হইয়াছে, মৎস্তজীবিগণ তাহাকে তদবস্থাপন দেখিয়া, সেবা-
শুক্রষা ও ঔষধ প্রয়োগ দ্বারা আরোগ্য করে। তথাম কিম্বদিবস
থাকিয়া যখন দেখিলেন, পূর্বের ন্যায় তাহার শরীর স্বল্প হইয়াছে,
শরীরে আর কোন ঘানি নাই, তখন সেই সহস্র মৎস্তজীবিগণের
নিকট বিদ্যায় লইয়া কি করিবেন, চিন্তা করিতে লাগিলেন। শ্রীর
উপর সন্দেহ হইল, পিতা পুত্রী উভয়েই এই হত্যাকাণ্ডে লিপ্ত
ছিল, এই সিদ্ধান্তে উপনীত হইয়া কমলার অপরাধ সপ্রমাণ ও
স্বত্বাব পরীক্ষার জন্য বেশ পরিবর্তন করিয়া ‘পুলিস’ বলিয়া পরিচয়
প্রদান করেন। এখন কমলাকে নিরপরাধিনী ও নিষ্পাপ মনে
করিয়া পরদিন কমলাকে লইয়া জন্মভূমি-অভিযুক্তে যাত্রা
করিলেন। রাণী-ভবনে তালা চাবি পড়িল। আমার অমু-
সন্ধানও এই স্থানে শেষ হইল।

সম্পূর্ণ।

ক্ষেত্র আবাঢ় মাসের সংখ্যা

“দীর্ঘকেশী”

বন্ধু।

